

瞻
用
志

上

卷之二

上
餘有樂事平

男
字補

卷之二

卷之二

卷之二

卷之二

卷之二

卷之二

卷之二



1871



1872

1873

1874

1875

1876

1877

1878

1879

1880

瞻用志卷第一

測上徐有桀準平

男宇輔校

營造之制

堂屋廂寮位置

葦制中國屋制皆一字更無曲折附麗第一屋為內室第二屋為中堂第三屋為前堂第四屋為外室每堂前有左右翼室是為廊廡寮廂每堂正中一間為出入之門必前後直對屋三重四重則門為六重八重洞開則自內室門至外室門一望貫通

其直如矢所謂洞開重門我心如此者以喻其正

直也

日熱何記

東制中國堂屋之制皆各成一字不相連續吾東則不然房堂廂廡回環連續甍靈棟椽曲折附麗其形或如口字或如日字或二丁互對余以為其失有六屋甍曲折處為瓦溝水道之所交會而所鋪鵞瓦淺狹易溢屋漏棟朽多在此處其失一也口字之內為中庭庭既狹窄屋陰交翳曬穀曝巢皆所不便其失二也四面簷滴交湊中庭其所洩水不過就門廡階砌之底作隱穴小溝而已窪陷窄

狹沙泥壅淤一遇暴雨庭除汪洋其失三也屋既
四周通風無處朝夕炊烟盤旋於簷榱牖壁之間
煤汙熏暗舉作恭室其失四也救火之法不但恃
庠水而已必用鈎索雜械頽塌棟宇使不延燒中
國屋制之必忌附麗蓋亦慮火也我東則堂室廊
廡合成一屋雖有千百鈎索莫施引塌之術一隅
火起全家燒燼其失五也為宮室先辨內外今京
城內豪貴之家雖甲第傑構徃徃外舍與內室相
連為便雨潦時徒跣出八甚或牖戶相對內聲出
外其失六也

金華耕
讀記

然中國北方原野平曠雖

村野民家皆得占地廣濶故能作一字屋三重四重耳若南方山隈水曲隨隙地上等者其屋制不得不曲折附麗故天工開物古今秘苑皆有論溝瓦者溝瓦卽室宇合溝處承雷之瓦也是知南方屋制亦有曲折處特不如我東之四隅曲折合成口字形耳凡營造宮室宜隨地勢如得平曠之地堂屋廂廡不相附麗則固善矣不然而不得不曲折則特宜留意溝瓦令承受淫雨而不溢漏可也

同上

基址

華制中國室屋之制必除地杵等仍復剗剗平正可

以測土圭安針盤然後等臺臺皆石址或一級或

二級三級皆甃等而磨石為甃臺上建屋

日熱河記

東制凡營造屋舍先計定建屋之地用大木杵

俗名元達

古周回遍等土既堅實更計定安礎之處通直掘

土如馬槽形深可半丈許

若元地卑濕不實則深至一丈許尤好

先

納麓沙七分寸多灌水用木杵徘徊猛等至杵頭

硬硬有聲然後方住手復下沙灌水如前等去略

半丈深復分六七次等始堅如石矣如取沙不便

之處但取黃粗沙

即色黃白而沙土相雜者俗呼石飛輿

灑水令濕

層層下等如前法而致力倍之可也如無黃沙但

用黃土漬水等之亦如前法

增補山林經濟

營室最宜

留意基址夫人而知之矣有力之家不憚煩費或用炭等或用鹽等謂可錮於南山而曾未幾何東顏西塾者無他不先等臺而安礎無法耳東人作舍不曾高砌臺址而等沙纔畢卽就地平安礎待上宇工訖始砌矮階占地旣卑易引濕氣且其安礎尤為無法長短不齊礎底初不琢治硯礪不平每用石礫撐礎四隅以齊其上而外以泥土塗之其實礎底空虛雨水侵入土凍則礎湧土釋則礎

蹲撐礫一陷礎傾柱歆而全宇盡棄矣苟做中莘
之制等沙纔畢就地平等起石臺二三級上鋪甃
甃立礎於甃甃之上則礎底不得不琢治平正而
衆礎齊頭繩直準平除非全臺傾陷則屋宇永無
歪傾之患矣

金華耕
讀記

尺度

屋三分沈括夢溪筆談引喻皓木經云凡屋有三分
自梁以上為上分地以上為中分階為下分凡梁
榱楹桷階級皆有相配尺度古人作室兢兢乎尺
度如是矣蓋下分遠地則牆壁不引濕氣上分高

峻則瓦溝易為洩水良工之特宜留意也

金華耕讀記

中國宮室之制從地至屋脊測其高下簷為居中云蓋上分與中分尺數相等也如是然後瓦溝如建瓴雨水易洩無滲漏之患我東舊屋往往梁雷穹隆尾級殆苦豎植者亦為水道順溜也近世都料匠但取觀美廢却尺度每令四簷軒舉於是上分尺度不及中分三之二而中迤末舉水道不順暴雨一過屋漏牀牀棟朽梁摧全室盡棄亟宜改從舊制也

同上

間架中國屋制兩楹之間甚廣幾我國平屋二間未

嘗隨材短長亦不任意濶狹必準尺度為間架熱河

記、中國營室間架尺度齊一故棗棗牕戶皆可

市買及夫粧設不爽毫釐事易功速尺度一定之

效也金華耕讀記

葢覆

葢制中國葢瓦之法瓦體如正圓之竹而四破之其

一瓦之大恰比兩掌民家不用鴛鴦瓦椽上不搆

撒子直鋪數重蘆簞

案有力之家或用木板鋪椽上而葢瓦於木板上較蘆簞

更覺堅久然後覆瓦簞上不藉泥土一仰一覆相為雌

雄縫瓦以灰鱗級膠貼自無雀蛇之穿

熱河日記

東制東國瓦體過大故過彎過彎故自多空處不得不補以泥土泥土壓重已有棟撓之患泥土一乾則瓦底自浮鱗級沅退乃生罅隙不禁風透雨漏崔穿鼠竄蛇繆貓翻之患

日熱河記

瓦屋之崔穿蛇蟠

專由上分尺度之無法耳蓋鋪椽之法假令五架則自脊梁至中梁架椽一道又自中梁至外梁架椽一道苟使脊梁至外梁高下合度則其鋪椽也上峻下殺瓦溝如建瓴今為觀美必令四簷矯舉其勢不得不外梁之高較中梁僅差尺寸而環簷之椽不豎而偃矣其上下椽交接處自然彎曲必

須厚鋪泥土上至屋脊下及簷際居然作一土宇
然後始可覆瓦凍沍則土噴水解則土蹲不但瓦
土相襯引濕易傷更噴更蹲瓦級齟齬而雀穿蛇
蟠鼠穴雨漏之患雜然而至矣近有一法椽上鋪
撒子撒子上不用寸土但以治材時斧過木皮鋪
填補空蓋瓦其上而但用乾瓦鱗級相舍只於四
簷簷瓦之口用灰泥墁飾謂之乾蓋瓦較諸用泥
頗能耐久然瓦底猶多空隙終不禁雀鼠之害也

〔案〕石成金人事通云屋上鋪瓦今人每用蘆柴扎
把加放泥瓦總不如用小堅竹三四根扎緊放旺
磚上鋪瓦不獨連牽結實且免賊挖天洞之患每
瓦行俱要安緊不可鬆疎詳其法與我東乾蓋瓦

法相類其不用泥土則一也較諸木皮頗覺堅久
且少雀鼠之害其筒瓦內空覆瓦宜用竹把補空

○金華
耕讀記

艸蓋鄉村覆屋多用稻草編作數三把鱗次蓋屋復
以稻草絞索縱橫縈絡而繫其索端于椽頭風翻
雨腐一年一易積累十年之費恰敵燔瓦之直而
因循苟且不思暫費永利之道甚非計也中國苫
屋之法用粟稷稽每合十餘莖本末互齊仍以細
莖帶葉之條纏縛作一小策用利刀相距七八寸
斜斲作馬蹄形梁上架椽椽上鋪蘆簞蘆簞上用
灰泥圩墁迨泥未乾乃用藁策密密排比鱗次覆

蓋兩馬蹄覆仰相接通為一條而底黏灰泥縱遇颶風亦不翻披較我國苫覆可耐五六年然工費頗煩且於改覆時舊藁之黏泥者削淨未易耳

金華

耕讀記

近海濱浦之地用蘆葦覆屋深北用樺皮

覆屋比諸稻艸頗能耐久而苟非土產亦莫能致也

同上

石蓋山峽民家或用石板蓋屋其石色青而薄如木板大或四五尺小或一二尺鱗級相次可避風雨較諸瓦屋尤為耐久但欠寒儉太甚如庫廩溷廁

可用此制尤宜於壇垣蓋覆

金華耕讀記

灰蓋遼瀋之間民家或有以灰泥蓋屋者其法屋無

脊梁衆椽平架上鋪蘆簞用石灰黃土細沙等分

澆以榆木汁擣泥厚墁蘆簞之上既乾則其堅如

石其平如砥可曬穀曝果於其上但和泥無法則

輒患皸坼用蘆麻絲細判和泥則不皸且於墁泥

未乾時覆以苫艸勿令見日待乾淨去苫案王楨農書有

長生屋論用法製灰泥蓋屋詳○金華耕見下巧墁類當與此參攷讀記

房炕

房炕異制吾東房室之制假令東上南向之屋東一

楹為上樓下灶中一楹或二楹為房西一楹或二

楹為廳其房南北設牖以受明通風環廳作分閤
廳房之界隔以牀子遇寒則闔當暑則闢冬溫夏
涼便於起居中國炕制面南皆牖正中一間為出
入之門東西北三面無冗簷累甍等牆直埋椽頭
畫屋之高東西兩牆各穿圓牖南牖北壁之下相
對築甍為卧炕廣可一丈餘地皆鋪甍蓋多用甍
甍少用土木其三面柱梁埋在牆內不經風雨不
畏延燒一閉正中一門則自成壁壘城堡可絕穿
窬之患亦良制也未知中國大江以南房室之制
與我東何如而大抵南人房處北人炕處亦各從

其俗也

金華耕讀記

炕制先等炕基高尺有咫為地平然後以碎甓碁置為度足而鋪甓其上甓厚本齊故破為度足而自無躋蹙甓體本均故相比排鋪而自無罅隙煙門高下劣容伸手出納度足者通相為火喉火遇喉則必踰若抽引然火焰驅灰駢闐而入衆喉遞吞迭傳無暇逆吐達于煙門煙門一溝深丈餘我東方言犬座也灰常為火所驅落滿院中則三歲一開煙炕一帶拔除其灰竈門坎地一丈仰開炊口焚薪倒插竈傍闕地如大瓮上覆石蓋為平地其

中空洞生風所以驅納火頭於煙喉而點煙不漏也又煙門之制闕地如大瓮甑等狀如浮圖高與屋齊煙落瓮中如吸如吮無漏煙透風之患

日熱河記

堞制東國堞制有六失泥等為塋架石為堞石之大小厚薄本自不齊必疊小礫以度四角禁其躋蹙而石焦土乾常患潰脫一失也石面凹缺處補以厚土塗泥取平故炊不遍溫二失也大溝高濶焰不相接三失也牆壁踈薄常苦有隙風透火逆漏煙滿室四失也火項之下不為遮喉火不遠踰盤旋薪頭五失也其乾曝之功必費薪百束一旬之

內猝難入處六失也且煙門造法尤為鹵莽大約

煙門有隙則一線之風能滅一竈之火故我東房

埃常患吐火不能遍溫者責在煙門也或杻籠塗

紙或木板為桶而初豎處土筭有隙或紙塗弊落

或木桶有閘則不禁漏煙大風一射則煙筒為虛

位矣

熱河日記

朴燕巖謂吾東埃制有六失其說是

矣余衍其說而謂有六害埃制既失不得不費薪

都邑之間薪貴如桂十口之家歲費百金而不足

凡裨販之所贏庄土之所收太平消融於竈灶之

中其害一也薪貴故郊於通都之山斧斤日尋電

枿不遺合抱之材百里未一遇而養生送死無以
校於心其害二也薪貴故四山童濯枯植死根無
不發掘一遇雨潦沙泥汰下溝渠澱淤禾稼湮沒
其害三也薪貴故寒儉之家或婦姑同室招莊叟
勃蹊之譏或男子處內犯戴記可吊之戒其害四
也數日廢烘蟲鼠穴壁一朝猝烘煤煙引火延及
壁帶案壁帶即帶壁之橫木見漢書註全屋燒燼其害五也鋪
埃坊墁之後塗紙三四重紙塗之後糊付灌油錢
厚紙俗所謂油芑是也油芑破費尤甚非有力不
可致而煙門近處火焰不及終古帶濕所鋪油芑

斑斑腐朽欲改易方丈之地而捲起一張油氈則
堠上圻墁隨捲隨起除非全堠改鋪則不可為矣
三年不改則灰填火溝堠冷如鐵數歲一易則棄
舊鋪新暴殄天物其害六也堠一失制而一切利
用厚生之具無不受病亟宜改從炕制也

金華耕
讀記

或云東人慣處房室今不可一朝改制仍我東房
室之制而鋪堠依倣炕制則可便起居亦可省薪
此言誠然矣但炕之省薪不寧遞喉得法亦以廣
不過一丈而煙門距竈近火焰易及故耳吾東中
古以上少壯之人皆處廳閣惟老病者處房故數

百年前舊屋雖五六架夏屋粧房不過一間近世
無論老少貴賤無不房處而器用什物亦皆陳設
房內除非三四間房室莫可容膝於是多設灶竈
早夜烘火而猶患膝溝深遠處火焰不及冬月錮
冷夏潦引濕子弟僮僕寢處其上無不患疝墜腰
疾偏死之症如此則雖竈門煙門遮喉架瓢一依
炕制亦無益矣苟欲倣用炕制宜先少縮房堦長
廣從輿至房軒之界毋令過營造尺十一二尺乃
可也同上鋪瓢既畢勿巧塤勿塗紙直鋪油氈於
甃上而油氈亦勿全身糊付只每張連幅處四邊

界摺折處用稠糊和黃豆屑黏付每三年一扱灰
時揭起油芑一邊開溝扱灰復掩甓膠芑如前法

同上

複窰法近世京城有力之家或作複堦其法先治地

平令前高後低

煙門近處為前
窰門邊為後

等塼鋪石如常法

但火項較常堦倍深距窰門可三四尺堦上斜夷

前高後低與常堦異也

塼溝深前後如一特以址
基前高後低故塼堦之形

也如之堦上勿朽壤再於其上用大石板理密而方

正四石恰鋪一間者更鋪一層前與下堦相貼次
次離起至窰門離起數寸則堦面平正不傾也琢

石為小矮礎以度石板合襟處前面直貼下塊無

視上塊之離下塊坊塼塗紙如常法每炊火時束

薪如炬燃其頭投入火頂下藝之則下塊烘熟熏

氣鬱蒸透遍上塊無偏熱偏冷之處熱不灼膚冷

不砭肌如溫塊鋪牀然費薪少而收功倍也金華耕讀

記

坊塼

仰壁上字椽間仰見撒子露處用泥土朽塼待乾淨

復用黃細黏沙俗呼沙和乾馬矢為泥塼俗謂

之仰壁一番雨滲蘚黼斑斑再番雨漏處處剝落

一或因循不改椽腐瓦翻仰見天日有力之家用木板覆椽則可免此患無力則但用蘆簞覆椽而

蓋瓦一依中國法可也

金華耕讀記

牆壁房屋四壁謂之牆壁我東牆壁忒患疎薄其制

先設引樁中樁

際礎之上橫設一樁於兩柱之間曰引樁分柱之高正中橫設一樁

曰中樁

案樁壁帶音博今人呼為中枋引枋音轉而然

次棧棘塞

從棟梁至中樁從中

樁至引樁皆以細木條間

七八寸堅棧俗呼棘塞

用指大椿木枝

他雜木及

皆可靠依棘塞縱橫編作鹿眼而以稻藁索絆固然

後用黃黏土泥先墁其內待乾淨合墁其外待內外乾透用沙壁土和乾馬矢薄墁其上此吾東牆

壁之制也。魔眼大小一或不齊，則墁土硯礪不平。藁索腐朽，椀條翻起，則全壁都成虛位。土乾木縮，牆柱相離，則四界線隙，不禁透風。且其乾曝，竄患曠日，除非數十日烈暘燥風，未易乾淨。或忙迫潦艸，不待內外壁透乾，遽圻沙壁，則梢紙蘚黴，壁隨剝落矣。壁厚不過數寸，風寒易透，每當折綿之威，內濕外冷，相薄則牖壁之上，霜冰凝沍。及夫凍解，塗紙融解，壁隨而剝落矣。或用破瓦碎礫與泥土相間，等起，謂之火防。較土壁頗能防風，然泥土之厚可容手指，已不禁蟲穴鼠穿之患。而一或近埃

有穴輒易引火人家回祿之災多由此處起亦非
良法也余謂房室之制雖未易猝變而東西北三
面宜略倣炕制甎等為墻設以圓牖其南極多設
牖牖處不可甎等則牖闕下依今俗設以木欄呼俗
末牖牖左右及上壁並以木板密排為壁內用細
木條縱橫作櫺厚紙糊塗如今粧子法則其避風
去濕大勝於土壁也

金華耕
讀記

甎甎法中國為室屋專靠於甎甎長一尺廣五寸厚
二寸比兩甎則正方甎皆一匡搨成忌角缺忌楞
利忌體翻一甎犯忌則全屋之功左矣是故旣一

圭印搨而猶患參差必以曲尺見矩斤削礪磨務
令勻齊萬瓢一影其等法一縱一橫自成坎離隔
用石灰如紙僅取膠粘縫痕如綿其和灰之法不
雜麤沙亦忌黏土沙太麤則不粘土過黏則易圻
故必取黑土之細膩者和灰同泥其色黛黧如新
燔之瓦蓋取其性之不黏不沙而又取其色質純
如也又雜以縹絲細剉如毛如我東圻土用馬矢
同泥欲其韌而無龜又調以桐油濃滑如乳欲其
膠而無罅也瓢得灰縫如魚腰之合木鵬砂之續

金十甕凝合膠成一壁

日熱河記

砌甃時候砌牆不可在寒凍月因水土冷凍令甃泥不能和合必難堅久又可在夏月酷熱時因甃砌上不至和溶泥隨卽乾離今人凍月知不動土而六月酷暑時多有動工者利於日長工多不知此故也

多能集

砌甃須填陷砌甃牆法甃須交搭疊上全要中間填陷填的滿足俗云填陷如小砌但填得週全卽如人腹中充實則能長久若但虛空徒用泥平則易傾頽卽如人腹中飢餓安能辦事經久匠人止知

省事要主勤看

多能集

長生屋法西方要紀云西洋造室與中國稍異大都以磚石為牆牆基量牆之高而深襴之純用磚石沙灰少用木柱板壁圖其安住久居而預防火患也余謂藏書之室儲穀之廩固可做用此制而人居房室多設牖牖未可不用木材則依王禎農書長生屋法用法製泥灰厚墁一切材木露處不寧戒火亦可免風燥雨侵其安固久遠與西洋磚石屋無異也

金華耕讀記

天生五材民並用之而水火

皆能為災火之為災尤其暴者也人之飲食非火不成人之寢處非火不煖凡火之孽失於不慎始

於毫髮終于延綿且火得木而生得水而熄至土而盡故木者火之母人之居室皆資于木易以生患水者火之牡而足以勝火人皆知之土者火之子而足以禦火而人未之知也水者救之于已然之後土者禦于未然之前救于已然之後者難為功禦於未然之前者易為力此曲突徙薪之謀所以愈于焦頭爛額之功也吾嘗觀古人救火之術宋災樂喜為政使伯氏司里火所未至撤小屋塗大屋陳畚揭具綆缶備水器蓄水潦積土塗表火道皆救于已然之後者也嘗見往年腹裏諸郡所

居瓦屋則用磚裹杪簷艸屋則用泥巧上下旣防
延燒且易救護又有別置府藏外護磚泥謂之土
庫火不能入竊以此推之凡農家居屋厨屋蠶屋
倉屋牛屋皆宜以法製泥土為用先宜選壯大材
木締構旣成椽上鋪板板上傳泥泥上用法製油
灰泥塗飾待日曝乾堅如瓷石可以代瓦凡屋中
內外材木露者與夫門胸壁堵通用法製灰泥巧
塼之務要勻厚固密勿有罅隙可免焚爇之患名
曰法製長生屋是乃禦於未然之前誠為長策又
豈特農家所宜哉今之高堂大廈危樓傑閣所以

居珍寶而奉身體者誠為不貲一朝患生于不測
釁起于微眇轉盼搖足化為煨燼之區瓦礫之場

千金之軀亦或不保良可哀憫平居暇日誠能依
此製造不惟歷劫火而不壞亦可防風雨而不朽
至若闐闐之市居民輳集雖不能盡依此法其間
或有一焉亦可以間隔火道不至延燒安可憺一

時之費而不為永久萬全之計哉

王氏
農書

法製灰

泥法用磚屑為末白善泥桐油枯

如無桐油枯
以油代之

茅

炭石灰糯米膠以前五件等分為末將糯米膠調
和得所地面為磚則用磚模脫出趁濕于良平地

面上用泥墁成一片半年乾硬如石磚然朽墁屋
宇則加紙筋和勻用之不致拆裂塗飾材木上用
帶筋石灰如材木光處則用小竹釘簪麻鬚惹泥
不致脫落同上

影壁楊惠之與道子同師道子學成惠之恥與齊名
轉而為塑皆為天下第一故中原多惠之塑山水
壁郭熙見之又出新意遂令巧者不用泥掌止以
手搶泥於壁或凹或凸但所不問乾則以墨隨其
形跡暈成峰巒林壑加之樓閣人物之屬宛然天

成謂之影壁

王氏
西苑

磚縫中艸不生法每年用官桂末於春月鋪入磚縫

中艸自不生

案一方用桂木屑○天基雜錄

牖牖

牖制中國牖牖皆設在南極長廣與極相齊踈櫺而

塗紙在外所以取明亦以防風也每極皆設複牖

欲明則吊起外牖欲納涼則並吊內外牖亦良制

也我東牖牖皆短小而櫺密矢深且糊紙在內頗

妨取明故近制必設映牖其防風取明與中國複

牖無異也

金華耕讀記

映牖映牖之制視外牖之長上下設櫺櫺長竟極高

廣可一寸許上下榻各窆雙槽乃作板門兩扇
字牖兩扇並上下作舌嵌入榻槽令可推開推開

處另燔刀甄

案圓鞠小橋梁及圭門另燔一偏狹
小之甄相靠等成圓形曰刀甄亦名

甄鞠灰泥膠砌合成一圓其內邊亦治木令彎相合

為一圓復用細木條縱橫作櫺于彎外四周與柱
身平齊仍塗錢厚紙如粧子法則牖扇雖方而內

觀外觀皆成正圓牖也

金華耕
讀記

粧子東制序廳之界設踈櫺門閤或四扇或六扇視
楹之廣內外俱塗錢厚紙俗呼粧子然以其櫺踈
紙塗故偷竊穿窆每在此處宜分粧子之厚半面

密排木板半面作薄櫺釘合木板相配為扇然後
內外塗紙可絕穿窬之患收藏器物之樓門尤宜

用此制

金華耕
讀記

分閣東制廳軒四面設長扇閣子上櫺下板長視房

室牖牖倍之俗呼分閣每一楹四扇中二扇上下

設鐵樞開闔兩邊二扇設三排卧鐵樞於上頭而

以鐵簪簪固

俗呼三
排目

以便吊起然樞與簪露在外

面鐵簪一拔則樞不能自轉而分閣為虛位矣四

扇並用雌雄豎樞則庶免偷拔之患

金華耕
讀記

假粧子房室牖牖之外如有半架退軒循軒之楹設

踈櫺閤子塗紙一重畫開夜閉以防風寒俗呼以

其櫺踈如楸木為矢作卍字形字住金華耕讀記

軒樓

廳板中國廳軒皆鋪甗甗頗能耐久而但患引濕故坐臥必用椅榻東人不用椅榻席地坐臥故廳軒皆鋪木板距地一二尺以遠地濕廳板之制剖全木縱橫作機相距一尺餘機兩邊皆挖槽俗呼耳機復栽木板長一尺餘上下作舌舌之分寸視槽令可密嵌無剝無縮次次排嵌于機槽俗呼井板其井板不厭狹小惟以密排不容綿隙注水不漏

為貴銳治既淨

銳平木器正字通木圭街鐵及旁有兩小柄手執推之

濃煎

松明油蘸布巾揩刷出色則光潤可鑑人凡廳板

之材必須所取年久內外透乾者

舊屋退且作槽材尤好

作槽

作舌尤須分寸不爽毫釐然後始可無罅隙苟其

不然誤用未透乾之材則既乾而縮罅隙狼藉或

槽潤舌薄聊且棧固則棧脫舌游板翻并陷良工

之特宜留意者也

金華耕讀記

廳底禁等牆廳板之底最宜高寬通明切忌低暗幽

隱為蟲鼠蛇虺所窟穴今人或為觀美循廳四界

用瓦礫從階上等牆灰泥墁飾甚非計也

金華耕讀記

樓制

凡起樓若另占基址不與廳軒相接則宜設木

一梯斜倚在樓下梯左右作荷葉欄干上穿樓廳板而登若連接廳軒則就連接處木造階級以便登降大抵樓以高聳為貴礎長一丈餘柱亦如之假令連軒接室則樓輒必高出軒室之上令樓檐覆在軒室檐上可也樓上環柱作木欄欄上設踈櫺分閣糊紙外面以取明或設複牖如房室之制樓下環礎等甃為牆穿北牆設板扉則作一庫廩可藏斧斤鎌鎚鑿鉦等器及煤炭之屬

金華耕讀記

厨竈

厨屋厨屋尤宜戒火四周甃甃為壁凡柱檁等一切

木材皆埋在甃甃之內如欲通風受明壁上半皆

作玲瓏牆

案玲瓏牆法見下

距竈一二丈南北穿門而依

王禎長生屋法用法製灰泥塗暨門扇內外如厨

在樓下仰見廳板亦以法製灰泥厚塗之距竈一

二丈循北壁設厨棧二三格其材木露處並用法

製灰泥塗飾厨棧下穴地安瓦竇

案瓦竇之制詳見本利志鱗

次嵌連直通庭垣之外垣外當瓦竇盡頭深濶鑿

圓池甃甃二三重令不洩水上覆矮檐苫蓋或灰

蓋凡米泔水滌器水魚腥水燂雞猪水一一注入

瓦竈以達于地蓋將以淤田疇澆桑學也

金華耕讀記

竈制作竈法長七尺九寸上象北斗下應九州廣四

尺象四時高三尺象三才口闊一尺二寸象十二

時安兩釜象日月突大八寸象八風須備新甑淨

洗以淨土和合香水合泥不可用壁泥相雜大忌

之以猪肝和泥令婦人孝順必居家用家凡作竈泥先

除地面上五寸即取下面淨土以井華水並香合

泥大吉同上觀古人祭竈之義則作竈特宜致意

東人作竈最患無法用瓦礫泥土相間筭起上用

黃土泥坊墁土乾龜拆則風透火逆土焦礫脫則

鍋傾灶陷且竈門之前不鋪磚甃塵土穢雜蟲竄
鼠穴日用飲饌無非蟲鼠之殘甚非計也宜等甑
為灶上穿穴口以安鍋釜復以法製灰泥厚墁之
刷油光潔勿令有罅隙厨屋地平限四壁鋪甑磨
治潔淨勿令蟲竄鼠穴

金華耕讀記

連珠鍋法

中國支鍋法甑等作卧灶灶上連支三五

鍋凡炊烹煎滲之需各貯一鍋而從頭鍋下炊火
則衆鍋齊沸最能省薪云意灶裏橫作遮候引吸

火焰至終鍋之底也

金華耕讀記

辟蟻法

凡支灶之時其灶底須用七分礧灰三分黃

泥搗和平鋪地面則灶上永遠無虫蟻

增補山林經濟

庭除

三善凡治庭除有三善三忌高下平正無凸凹仄窪易於洩水一善也牆院不逼可以受日光列花盆二善也四隅平直無歪邪回曲三善也反於此者

為三忌

金華耕讀記

搜土法原土或黑墳麓踈艸穢蕪雜或赤黏堅塔遇雨粘滑或卑濕生水當潦汪洋宜畫庭除闕地一半丈搬屏故土于遠處另將瓦礫鋪下一重更取麓沙白土杵等至故限而止

金華耕讀記

禦淖法中國庭院皆鋪甃故雨不泥淖我東甃貴未

可遍鋪庭除宜於門徑階下人所往來處鋪水磨

小石鱗次密排以禦泥淖聞中國民家門庭貧不

能鋪甃則取琉璃碎瓦水邊小磔之磨圓者揀其

形色相類者錯成花樹鳥獸之形以禦泥淖云其

無棄物誠可法也

金華耕讀記

辟濕法卑濕之地多埋蟻殼則能行水去濕

和漢三才圖會

棚架居室距地近則每當赫炎下煮土氣上蒸往往

令人悶塞中國庭院皆設高架上覆蘆簾以避暘

曝繫繩於簾欲受月色則自下引繩而撤之東人

寡力未易辨此木造狹長機縱橫設矢為十字形
上覆薄板或油氈或桦皮或覆蘆簞苫蓋用鐵環
鐵釘懸于檐椽之頭復用臂大木杈駕起俗呼遮
陽然已廣則椽不能任重已狹則蔭地無幾非良
制也宜就偏受朝暘夕曦之地種葡萄或艸松作
架上蔓以遮敲暘其架柱或方或圓或八稜六稜
隨意鉋治淨潤琢石為小礎度足上高出檐頭墜
以蜃灰可耐風雨

金華耕
讀記

花階書齋南北庭垣下宜砌石為階以種花卉列盆
景或一級或二級三級隨地高下嘗見京城議政

府庭有石階用淡黃石微赭石惟前面磨治平正
餘面任其尖斜稜角黃赭相間隨其斜稜之勢而
密甃嵌固作哥窑紋洵愜雅觀可做也階上護以
竹欄斑竹者佳或木造而塗以蜃灰亦耐風雨如
欲設色用石間朱或石綠和灰以法製油俗呼各油塗

刷光照林木

金華耕讀記

庫廩

庫制凡歲収田租稻粟菽各數百石以上宜就垣內

高燥隔遠煙爨處瓢等圓囤三五所藏之

案囤制詳見本

志利其黍梁荅苳等歲収不滿百石未可各各囤藏

者宜篤盛罌儲置于庫廩庫廩或居內舍南庭或在東西庭以隔別內外分藏米穀醯鹽脯腊及一切器用什物其制鋪甑為臺臺上等甑為牆牆上架椽椽上鋪椽椽至牆而止令牆直埋椽頭椽上鋪板板上蓋瓦左右牆穴壁作照牕以取明前牆穿圭竇設兩扇板門以備開閉封鎖

金華耕讀記

蔭庫蔭庫在庫之下亦名複庫如欲作複庫上庫地平勿鋪甑循牆壁之限闕地一丈一二尺四壁削治平直貼壁等甑上鋪厚木板密排合縫則在上庫為廳板在蔭庫為天板也上庫門闕側近穿廳

板作穴方四五尺可容瓮甕出八木作長梯斜倚
穴口以便登降蓋陰庫處在地中便一窖藏冬濕
夏涼可藏酒漿菜蔬菓蔬一切禁凍忌徽之物金華

耕讀
記

土庫凡倉庫宜置人居堂室開戶坐見處相距五六
丈之地間架多少隨意其法先立柱上標架椽而
椽頭出前後樑纔數寸而止次設門棖門闕用瓦
礫與泥土相間周圍等牆上至椽頭而止勿露片
木椽上鋪撒子塗泥五寸許則望之如一土阜然
後用石灰黃土細沙和榆皮汁為泥厚塗四面牆

及屋上晴晒雨蓋待十分乾堅另用椽木疊架屋上
覆簷苫蓋庫內地面密布薄石板以石灰泥塗等
則鼠不能穿也門設兩扇厚板門外釘雙環封鎖

增補山林經濟

一法用黃白沙土板等為牆四周而只

缺設門處勿等架椽牆上鋪椽梁上凡設門蓋屋

一依前法則不用一柱而自成全于

金華耕讀記

搬庫搬庫之制四柱八檼柱長七尺檼長六尺四檼
在上橫嵌柱頭以代椽四檼在下離柱跟三二寸
橫嵌以受廳板前面正中為門兩椽相距二尺五
寸左右後三面及門椽左右皆密排木板為壁板

長六尺五六寸上戴上檼下植下檼皆槽舌嵌固
分壁之長用細木條橫設為帶鐵釘釘固上檼之
上橫排木板兩頭枕檼鐵釘釘固是為天板下檼
之上橫排木板兩頭枕檼鐵釘釘固是為廳板廳
板之底用細木條橫設兩處為帶鐵釘釘固以禁
板竄織可以嵌檼則已矣檼不求大可以嵌板則
已矣惟下檼之戴廳板者宜稍厚以任重也其裝
門之法不用兩扇門但於兩棖相對之面窵作長
槽復裁截木板八九皆長二尺六寸兩頭作舌次
次嵌入于棖槽釘鐵樞鐵環于最上一板及上檼

際門處以開闔封鎖每歲臘月春盡一年糧米則不用筭包但斛量注盛于庫一庫可藏精鑿一千五百斗也四牆及天板上并以法製灰泥墁飾以虞火燭另用臂大木四條四隅啣固以代四樑方廣視庫惟前後兩樑稍長出榑兩頭各一尺左右樑正中設侏儒柱柱上架以一棟棟長與前後樑齊棟上鋪細椽椽上鋪蘆簞簞上苫蓋擡覆屋上以庇風雨蓋其制輕小無異櫝箴可以隨地搬運故曰搬庫或欲搬置他處則先擡去上宇次用衆力擡起全屋可運數十百步之地或遇火燭之災

亦擡舉上宇火不能延燒矣

金華耕讀記

廐閑

廐制凡作牛馬之廐其間架宜大不宜小一架之廣

可營造尺十尺深稱之用壯大材木締構如常法

其左右後三面並無冗檐用碎瓦小礫灰泥相間

從地平等起直埋椽頭而止

有九者好

椽上鋪蘆

簞數重簞上蓋瓦

或用薄石板或用薄石板蓋覆而其屋脊石板交襟處用鴛鴦瓦蓋如瓦屋

法假如四間屋子則頭一間為綏繫牛馬之所前

面兩柱之間從礎至樑五分其長每一分橫設一

椽皆兩頭嵌柱以為固復用臂膊大木削治四稜

豎設為柵柵皆穿貫四構

構上先計貫柵之處鑿友孔大小視柵令稜處

外向上嵌于樑下植于地設構欲牢設柵欲踈牢欲

防盜踈欲通風且可自外察其餵飼節度也後牆

下垂穿一竇以除糞洩溺

若是繫馬之廐後壁腰以下先作板壁外襯

等土石俗呼板障蓋慮蹠踢則土剥石脫且傷蹄也

竇下深濶鑿池用瓦礫

灰泥圍等四周上侈下弇以受貯糞溷池底中央

更鑿一小坎為複池複池之圍視上池半之而深

則倍之上弇下侈底鋪方瓢三重圍等刁瓢三重

皆灰泥膠粘而令每甃合襟之綿内外交亞差池

復用法製灰泥厚墁之其上架木覆簾以受糞瀝

無甃則但於大池之底埋大瓮三五以受瀝亦可
中一間為出入之門就前楹設大扇兩板門外設
扁鐺以備夜鎖循後壁下橫鑿狹長坎四周及底
皆甃等磨淨用木板為蓋一邊穿小方穴以貯剉
剉藁置鐺音泚切其傍次二間為廡廡者藏芻藁
之所也急就篇云鑿壘廡庫東廂注廡芻藁所居可知古人為廡必有廡也前楹
等牆及肩上設縱矢照牕右楹與廡相通處割半
架設板壁半架設兩扇板門內儲芻藁菽麥之屬
其菽麥糠粃皆用瓮罌收貯凡材木露處皆以法
製灰泥墁飾蓋不論牛馬一間廡可繫二匹若廣

農之家置牛八角以上有力之家繫驢馬四匹以上者廐廡間數視此遞加如是繫馬之廐宜用大木板刻畫獼猴設色掛在右壁上獼猴令馬不畏

辟惡消病云

金華耕讀記

槽制 柵之內橫設槽槽長竟楹或剡木為槽又木度足或琢石為槽砌石度足或甃甃為槽則用方甃從地平等起狹長臺臺上用半甃灰泥膠粘等起四牆牆深一尺作一狹長櫃形若一間繫二匹者宜於槽腰等方甃以隔別之

木槽則一木剡作兩槽石槽則連置兩槽

○金華耕讀記

牛馬宜異廐牛馬不可同槽為其餵養異法也馬槽

宜齊馬額下安排牛槽宜稍低馬廐宜鋪厚木板

凡鋪板宜前微昂後微低以洩溺

牛宮不宜鋪板但鋪亂草腐穰

以收屎尿馬久繫牛宮則蹄潤不任鐵牛久繫馬

廐則蹄澁而痛

增補山林經濟

縱是同類牝牡不可同

繫縱是兩牝其一產雛則不可共櫪故人家宜置

兩廐

金華耕讀記

溷廁溝渠

浴室

浴室宜依近房屋複牖厚壁勿令隙風透入室

做炕制為其臨沐炊火易溫也牖必近竈為其便

於搬運香湯也室不厭小但足陳設衣枷木盆銅

盤之屬則可矣

金華耕讀記

廁室廁室宜高敞明朗不宜低暗幽深

增補山林經濟

人

家宜置三廁一在內舍一在外舍一在垣外田疇

之側其在內外舍者木柱板壁

板壁腰上作縱矢照牕

灰蓋

用法製灰泥

距柱跟三尺以上設廳板前設木梯以登

降廳板正中穿隋圓穴穴下置長柄木杓杓扇四

邊弦起內貯沙土以受溷每日搬去踏整輸于垣

外之廁倪雲林以高樓為溷廁下設木格中實鵝

毛每便下則鵝毛起覆之一童子俟其傍輒易去

此雖雲林潔癖而大抵人家溷廁宜掃除潔淨勿
令有穢氣劉熙釋名云圜至穢之物宜常修治使
潔清故曰圜是也

金華耕讀記

其在垣外者屋凡三

架上蓋石板割一架周圍等牆直埋椽頭以收僮
僕廝役之溷前牆穿一小門設板扇關掩勿令雞

犬出入爬舐餘二架亦周圍等牆及肩而止前設

板門每收人畜糞踏墊晒乾即收于此以避日星

雨露

糞久見曰星則不肥

待春載出糞田

同上

溷庫人居房室側近深濶鑿一圓池深可一丈有半
底甃方甃三重周圍甃刀甃三重甃皆磨治令淨

灰泥膠黏每甎交襟之痕必内外交亞差池令貯水不滲復以法製灰泥墁飾之如有皸坼處更以石灰瀝青和荏油為泥塗平皸痕池形下侈上弇假如下徑十尺則上徑八尺也其蓋視池之弇口圍徑密排木板上下帶以木條鐵釘釘固擡覆弇口蓋上穿一小穴每日溺器虎子所收溺尿涕唾及朝夕盥沐之水並從穴口注入池中如欲汲用擡去蓋板用長柄瓢酌取之其利有三溺忌生用徃徃殺苗今停久釀熟可以美田疇一也火燭之災多起房室厨灶之間傍近有池可以臨憑救火

二也不論溺尿與鹽沫之水涓滴有歸更不潑棄

狼藉免致庭除沮汙三也

金華耕讀記

灰屋灰屋宜在田邊與溷屋隣近四面等牆前穿一

小門板扉關掩上面架樑鋪椽簞葺蓋

或鑿石板蓋或用

或用灰泥蓋其用石板者不必簞葺

每日用人溺潑灰以肥糞兼防

熱灰生火是故穿門必避當風處

增補山林經濟

溝制陽溝曰渠陰溝曰濠

揚州鉛總錄云浙中人家水溝多用陶瓦為之如

竈突狀名曰濠取其疏通不滯之義

垣外宜作渠垣內宜用濠制凡

廊廡庫廂水道所經處皆掘槽卧埋瓦竇齧殺相連直達于垣外之渠其垣外陽溝繚繞牆垣縱橫

合襟于前暘之下直達于田溝其深淺視地勢高下而消息之要令易於疏洩其在垣下者廣一丈以上不寧洩水亦以禦偷也昔陳元方宅不洩水終身不售蓋人居屋宅洩水無法雨潦停淹牆壁引濕則牆頽屋圯房埃引濕則人病偏圯灶竈生水則炊爨不時醃濁入井則食飲不潔庭除汪洋則養蠶不成種種患害不可殫舉凡營造宮室特

宜留意溝渠

金華耕讀記

牆垣

牆址凡築牆宜先留意基址掘槽深三尺以上納麓

沙灌水杵等未及地平一尺而止仍砌石為址其石不拘大小厚薄惟以上下面平正疊累不蹕為主重重砌起入地一尺出地二尺然後等牆其上不論甃牆石牆土牆皆用此法苟或等基不深但於地平上度石礫為址者土凍動起凍解蹲縮則全牆頽圯在俄頃之間矣

金華耕讀記

土等先用石礫作址臺聚土其上而斜杵堅等令形如屋脊復用泥土和麤剉藁艸搗等其上高可三四寸即止使易乾待半乾以利刃錘削平內外面待乾堅又如前法搗等而泥土稀稠適中均一然

後前後等為一劑無痕矣壁高一丈有半後用雜

木為椽蓋尾牆址內外覆以莎艸牆外丈餘地種

枳棘等有刺之木但令茂密勿令高長水竇中設

木柵勿通貓犬出入凡等牆之土黃砂

俗呼石飛乃

為

上黃土為次黑土為下作泥時過濕則濃潰難等

只令微濕可矣先等者過乾則加等之時噴水先

等之上面令新舊合縫無隙杵用鐵杵為上槲木

杵次之猛等久搥為妙

增補山林經濟

土牆宜用板等

之法今俗所通行也黃白沙土最能耐久其黑軟

穢土赤細黏土皆不可用赤黏土尤為鹽惡雨潑

則融解暘曝則皸坼終不能耐久也或於板等既
畢趁土未乾即用石灰黃細沙土俗呼沙壁和乾馬矢
為泥薄墁内外面然和泥無法則亦患龜坼剥落

也金華耕讀記

石等中國繚垣多用甄等找東甄貴未易辨此則取
石礫琢治方正與泥土相隔等起及肩以上用破
瓦等起其隔泥不與瓦礫齊面令稍凹縮復以石
灰白土和泥墁飾凹處則白紋縱橫可受俗呼粉
牆亦頗耐久金華耕讀記

哥窪牆熱河日記熱河城郭用雜石冰紋皸等所謂

哥窰紋民家牆垣盡是此法云居在饒石之地者

宜倣用之

金華耕讀記

玲瓏牆中國民舍繚垣肩以上更以斷瓦兩兩相配

為波濤之紋四合而成連環之形四背而成古魯

錢嵌空玲瓏外內交映

熟河日記

蓋牆蓋牆宜用石板板長視牆厚刺一兩尺兩頭齊

一橫架牆上先鋪一重再鋪一重令縫痕差池交

違以防雨水滲入復用石灰細沙黃土搗為泥兩

手搏埴作塊連綿鎮覆于石蓋上復以手按按令

平圓如今城堞女牆上塗灰法耐久且於敲暘烘

石時蛇虺不敢蟠緣其上也

金華耕讀記

板障或欲障遮門徑或欲隔別內外則作板壁以代

牆其制兩柱之間一榑居中一樑居上樑上相距

尺餘橫刻作細槽槽之深廣一寸三分每一槽嵌

一椽椽皆鉋治作四稜長二尺廣厚視槽既嵌于

槽則上與樑平椽上鋪板板上蓋瓦

瓦宜別燔比覆屋瓦子稍

小從地平至榑用石礫破瓦等牆從榑至樑排板

為壁或一間而止或至四五間八九間或一行或

典折但隨地勢無定制也椽既短小庇風雨無幾

徃徃壁板翻窳柱跟腐朽不如全用甎等之耐久

也金華耕讀記

井附水庫

甃深井法入柵以後見井皆甃甃又磨全石為覆蓋

穿其兩傍劣容汲器所以防人墮溺且鄣塵土又

水性本陰故使蔽陽養活水也井蓋上設轆轤下

垂雙綆結柳為棖其形如瓢而深一上一下終日

汲不勞人力案石蓋固可障塵而但患井內或蟲

良制也如欲障塵但於井上圍等三邊半砌牆上覆薄

石板只開前面以便汲水為可前面宜設木欄以

防人畜墮溺○熟河日記

甃淺井法山下蒙泉從石坎中出者無用甃甃但於

地平三邊等甃高數尺而止上覆石板以障塵土
如從平地沙土中出宜限泉源甃甃凡甃井不論
淺深甃勝於石為其灰泥膠黏渾似全甃燔成不
似石甃之罅隙狼藉外水滲入也

金華耕
讀記

甃平地井法井在平地者甃甃必高出地平一二尺
形如筒兒埋地露出上頭樣以防潦水流入若仰
泉漢湧盈科流下者宜從井前深作溝渠隨地高
下加減深淺要令如建瓴易洩水歲一浚渠苟或
沙泥填淤潦水逆漲則渾濁入井不可食矣

金華
耕讀

鑿井雜法鑿井之法有五第一擇地山麓為上蒙泉
所出陰陽適宜園林室屋所在向陽之地次之曠
野又次之山腰者居陽則太熱居陰則太寒為下
鑿井者察泉水之有無斟酌避就之第二量淺深
井與江河地脉通貫其水淺深尺度必等今問鑿
井應深幾何宜度天時旱澇河水所至酌量加深
幾何而為之度去江河遠者不論第三避震氣地
中之脉條理相通有氣伏行焉強而密理中人者
九竅俱塞迷悶而死凡山鄉高亢之地多有之澤
國鮮為此地震之所由也故曰震氣凡鑿井遇此

覺有氣颺颺侵人急起避之俟洩盡更下鑿之欲
候知氣盡者繼燈火下視之火不滅是氣盡也第
四察泉脉凡掘井及泉視水所從來而辨其土色
若赤埴土其水味惡赤埴黏土也中為甕為尾者
是若散沙土水味稍淡若黑墳土其水良黑墳者
色黑稍黏也若沙中帶細石子者其水最良第五

澄水作井底用木為下磚次之石次之鉛為上

案居

家必用云以鉛十餘斤寘之井中水清而甘

既作底更加細石子厚一二

尺能令水清而味美若井大者于中置金魚或鯽

魚數頭能令水味美魚食水蟲及土垢故

泰西水法

凡開井近江近海處須擇江風順日開則吹江水入泉脉必甘若海風順日則吹海水入泉脉必鹹謂如江在井之西南方是日有西南風則鑿之必用宿崔云云必有出處當考書井上不可種樹覆嫌宿崔穢泉井口設架石及欄檻以防兒墜增補

山林經濟

架木引泉法剝木架空遠引山泉注至厨下亦甚省

力案林洪山家清事有剝竹引泉法詳見怡雲志可與此參考○增補山林經濟

鑿丹井法鑿丹井一眼深而狹小取白紫石英鍾乳

玉屑朱砂磁石之類置其中有補養長生之功山林

經濟補

襍井沸沔取東向三百六十步內覓一青石以酒煮
放井中立止居家必用

水庫或居在海濱井泉瘴鹹或高山曠野泉源遼絕
宜畜雨雪之水以代遠汲之勞熊三拔泰西水法
有水庫法儘可法也但工費頗大東人寡力宜小
不宜大也

金華耕讀記

水庫者水池也曰庫者固之

其下使無受渫也畧之其上使無受損也四行之
性土為至乾甚于火矣水居地中風過損焉日過
損焉夏之日大旱金石流土山焦而水獨存乎故

固之故冪之水庫之事有九一曰具具者宅其物也二曰齊齊所以為之和也三曰鑿鑿所以為之容也四曰築築所以為之地也五曰塗塗所以為之固守也六曰蓋蓋所以為之冪覆也七曰注注所以為之積也八曰挹挹所以受其用也九曰脩脩所以為之彌縫其闕也

〔注〕冪防耗損亦防不潔古人井故有冪易曰井

叔勿幕齊與劑同

一曰具水庫之物有六以備築也蓋也

塗也築與蓋之物有三曰方石曰瓴甌曰石卯塗之物有三曰石灰曰砂曰尾屑塗之物三合謂之三和之灰或砂或尾去一焉謂之二和之灰煉灰

之石或青或白欲密理而色潤否者疏而不昵煉之以薪或石炭焉火不絕二日有半而後足試之汰先取一石權之雜衆石而煉之既成而出之權之損其初三分之一此石質美而火齊得也砂有三種或取之湖或取之海海為上地次之湖又次之砂有三色赤為上黑次之白又次之辨砂之法有三揉之其聲楚楚焉純砂也諦視之各有庶隅圭角純砂也散之布帛之上抖擻之悉去之不留塵坭者純砂也否則有土雜焉以為齊則不固瓦之屑以出陶之毀尾瓴甌鐵石之杵臼舂之而徒

之無新焉而用其舊者水濯之日暴之極乾而後
舂之而篴之篴之為三等細與石灰同體為細屑
稍大焉與砂同體為中屑再篴之餘其大者如菽
為查注度也方石甃甃者以豫為牆為蓋二物皆無定
度其圓半規穹之堅則久為蓋者或穹之穹之石合
卵之石也小者以豫為底也無之或以小石代之堅潤而密
過一石小者任雜焉凡石卵或大小石欲堅潤而密
理否者不固昵黏也二日有半三十時足也陶窰
窰也甃甃磚也凡瓦之土勝磚之土用磚則謹擇
之篴俗作節羅也查滓也查無用篴擇其過大者
去之三和之灰今匠者多用之其一則土也用土
不堅以尾屑故勝之以後法為之劑又勝之西國
別有一物似土非土似石非石生于地中掘取之
大者如彈丸小者如菽色黃黑孔竅周通狀如蚌
窠儼然石也而體質甚輕揉之成粉舂以代砂或

代瓦屑灰汁在其空中委宛相入堅凝之後逾于
鋼鐵近數十年前有發故水道者啓土之後鋤鏹
不入百計無所施既而穴其下方乃壞墮焉視其
甃塗之灰用是物也厚半寸許耳此道由來甚久
以歷年計之在漢武之世矣後此兄用和灰甚貴
是物焉或作室模和灰塗之崇閣窈窕惟意所為
既成之後絕勝冶銅鑄鐵矣然所在不計秦晉
隴蜀諸高陽之地必多有之其形大段如浮石而
顆細色赤黃質脆為異耳以本草質之殆土毀孽
之類也其生在乾燥之處土作疏黃氣者或產礪
黃者或近溫泉者火石者火井者或地中時出燐
火者即有之求之法視其處艸不蕃盛茸茸短瘠
又淺草之中忽有少分如斗許如席許大不生寸
草者依此掘地數尺當可得也西國名為巴初刺
那求得之大利于土石之工或并無瓦屑及砂以
青白石末代之其細大之等與瓦屑同

二曰齊凡齊以斗斛槩其物水和之三分其凡而
灰居一砂居二凍之如糜謂之甃齊三分其甃齊加水

一焉而調之謂之築齊塗之齊有三凍之皆如糜四分其
凡而瓦查居二砂居一灰居一謂之初齊三分其
凡而中屑居二灰居一謂之中齊五分其凡而細
屑居三灰居二謂之末齊凡凍齊熟之又熟無亟
于用無惜于力日再凍五日而成為新齊新齊積之恒
以水潤之濕之處窖藏而土封之久而益良注凡量
必出窰之灰凡量瓦屑必出白之屑凡量砂必日
暴之砂皆言乾也如糜者今匠人所用瓮墻塗墻
挑而漿之之劑也太燥則不附太濕則不居加水
為築劑則如稀糜沃而灌之之劑也凡治宮室築
城垣造墻域皆以諸劑斟酌用之和新水以泉水
江水雨水雜鹵與鹽勿用也雪水之新者勿用也
凡總數也
三曰鑿池有二曰家池曰野池家以共家野

以共野共家者飲饌焉澡滌焉共野者畜牧焉漑
灌焉為家池計衆甕而曲聚之承而鍾之為野池
計岡阜原田水道之委而聚之而鍾之為家池必
二以上代積焉代用焉為野池專可也隨積而用
之皆計歲用之數而為之容積二年以上者通倍
之或倍之容或倍其處為家池平其底中底而為
之坎坎深二尺以渟其垢三分其底之徑以其一
為坎之徑墻方則襍圜則固大者圜之小者方之
大者圜而方者小則不畏深也墻之周或壁立或
下侈而上弇之侈弇之數無定度雖為之土囊之

口可也若上侈而下弇則寡容也中侈而上下弇則難為墻也無所取之或為之複池限之以墻中墻而為之竇以通之小者塾之大者牖之互輸寫之可抒清而去濁也代積而代用也若山麓原田陂陲之地則為壺漏之池高下相承互輸寫之為野池利淺以羣飲六畜以溉田方其墻迤其一面以為涂欲為深者迤其底漸深之無坎為野池擇磽确之地不宜稼而水轉焉者可也是化無用為

有用也

注共與供同雷簷溝也容者通高下廣狹所容受多寡之數也度池尺寸計容多寡

用盤量倉窖術在九章筭之粟米篇專獨也迤倍者二年則二倍三年則三倍也倍容者倍其大倍

處者倍其多也倍大方法亦用立方立圓術酌量作
之在九章筭之少廣篇方則稱者或桶其室或稱
其庭兩方相稱也方牆而大懼或墮焉圓如井周
相恃為固上弇不墮亦此理也修廣弇歛也如下
一圖之甲乙丙丁方池也辛壬癸子圓池也二形
二形之外或有為長方者方之屬也有六角八角
以上諸角形者圓之屬也惟所為之未暇詳也戊
己丑寅底坎也乙庚辛壬壁立之牆也卯辰午未
戌房氐亢上弇之池也卯未戌角土囊之口也契
池兩池並也牆之實多寡大小高下任意作之契
木棧也凡牌與契或旁深者附之以煥木之皮而
塞之壺漏之池者從上而下位置如刻漏之壺其
開竇輸寫亦若漏水相承也如下二圖之甲乙複
池也丙丁限牆也午壬申竇也戊己庚辛壺漏之
複池也壬其竇也癸子丑寅卯辰壺漏之三複池
也酉與戌皆其竇也三以上任意作之其連接之
處如庚至己丑至子淺深高下亦任意作之凡岡阜
以為塗令人畜皆灑迤而下恒及水際也凡岡阜
則下之山陵之麓其地瀝脂故不宜稼其勢建瓴水
則下之山陵之麓其地瀝脂故不便掣以灌田趨下易達

也四曰築築有二下築底旁築牆築底者既作池平其底則以木杵杵之或以石礧礧之杵之礧之欲其堅也依池之周而為之牆或方石焉或甌甌焉甃之以甃齊之灰甃必乘其界牆量池之小大淺深而為之厚不厭厚若複池則為共池而中甃其限牆仍甃為行水之竇壺漏之複池則各為池而穿行水之竇也牆畢以鶩卵之石或小石墊之其底厚五寸以上不厭厚既墊之復杵之或礧之不厭堅無惜其力亦欲其平也既堅既平以築齊之灰灌之又灌之滿焉實焉平焉浮于石而止復

杵之或礎之有隙焉復灌之滿實平而止中底之
坎亦杵之亦墻之亦墊之而灌之如法作之凡底
與墻之交礎杵或不及焉則以邊杵築之其墊與
灌必謹察之而加功焉壺漏之竇居水之衝必謹
察之而加功焉凡墻皆以方長之石為之緣若遇
大石焉而鑿之池以石為之底與墻與緣徑塗之
有闕焉而為之縫亦杵之而墻之而緣之而墊之

而灌之如法作之野池或土或石皆如之

注乘界俗言騎

縫也緣池面壓口也縫補也下三圖之甲乙丙木
杵也丁邊杵也戊石礎也已辛巳庚甃墻也庚辛

石墊也下二圖之甲乙即共池也以意度之江海
之濱平原易野土疏善壤必以甃墻處于山者如

秦如晉厥土駢剛陶復陶穴壁立不墮若斯之處
掘地為池雖無甃牆而徑塗之不亦可乎同志者

諸嘗試之五曰塗等畢候池之底既乾其十之八掃除

之過乾則水沃之而後塗之塗之先以初齊厚五

分池大者加二分之一池之底及周連塗之連塗

之則周與底之交無罅也塗畢以木擊擊之欲其平

以實也次日又擊之有罅焉以鐵槩槩之乾則以

水沃而槩之無罅而止三日以後皆如之候其乾

十分之六而塗之中齊中齊之厚減其初二分之

一亦擊之槩之次日以後皆如之候其乾十分之

六而塗之末齊末齊之厚減其次二分之一亦擊

之槩之次日以後皆如之候其乾十分之五以鐵
槩摩之有罅焉以水沃而摩之周與底中坎之周
與底複池之水竇皆同之凡周與底之交若竇必
謹察之而加功焉凡塗瓴甌之墻或燥而不昵以
石灰之水遍灑之作堊色乾而後塗之則昵凡塗
石池與土池野池與家池皆同法凡擊欲其堅如
石也摩欲其密如脂也欲其瑩如鏡也堅密以瑩
更千萬年不滌也注下四圖之甲木擊也乙鐵槩
厚則四塗之五塗之任意加之四塗者初一中二
末一五塗者初一中三末一末塗以飾宮室之墻
欲令光潤者以雞子清或桐油和之如法擊摩之
欲設色以所用色代底屑而和之石色為上草木

下為六曰蓋家池之蓋有二曰平之曰穹之平有二
曰石版曰木版皆平而翬之為之孔以出入水穹
有三曰券穹曰斗穹曰蓋穹方池皆券穹正方者
或為斗穹園池之屬皆蓋穹券穹者形覆卷也又
如截竹析其半而覆之兩和為之立牆斗穹者形
覆斗也方其隅而四牆之趨其頂也皆以園蓋穹
者其形蓋也中高而旁周皆下垂凡穹之空皆半
規皆去緣尺而甃之甃之法皆架木以為模緣而
成之甃以石則治之以趨規若甌甃亦以趨規之
模造之無之則以甃齊加損而弇之穹之下為之

竇以出入水在野者或穹之不則苦之或露之

注平

蓋出入之孔有二一居中當底坎之上以挹其渟

汙也一近池之緣注水入之挈水出之大小皆無

定度也下四圖之丙丁戊己庚卷穹也丁戊己

方池兩緣也丁丙戊和牆也丙庚穹背也辛壬癸

子丑斗穹也辛壬癸丑方池緣也子穹頂也依丑

辛直綿為牆漸狹而上以趨子其丑子辛子皆圓

綿餘三同之而結子頂也寅卯辰午未蓋穹也寅

卯未辰圓池緣穹頂也旁周趨上皆為圓綿

其全空圓之半也空皆半規者謂丁丙戊

丑子壬未午寅皆半圓形也如是則固去緣尺者

池口為道將跨也以居梁也趨七曰注凡家池以

規之勢今工人謂之橋亭形也

竹木為承雷展轉達之其將入于池也為之露池

迎輻輳之水蹇積焉以渟其渟既澱而後輸之露

池之緣為竇焉以入于池露池之底為竇焉而他

深之皆以牒或以槩而節宣之凡雨之初零也必有滓也長夏之雨也必有酷熱之氣也則啓其下竇而他牒焉度可入也者塞之啓其上竇而輸之若水之來與地平不能為下竇者則澱其滓以時出之為新池候乾極而注之新注之水不食也旣浹月更注之而後食之為二池者歲食經年之水為三池者歲食三年之水是恒得陳水焉水陳者良若為複池者旣注之澄而後啓中墻之竇而輸之空池復注之如是更積之是恒得澄水焉凡池旣盈而閉之則畜之金魚數頭是食水蟲或鯽魚

是食水垢野池注之山原之水遂以畜諸魚可也

魚之性有與牛羊相長者也

注激下凝也露池不

乙丙露池也丁上實也戊下實也新注不食灰氣

八焉味惡也魚與牛羊相長者如鱣食羊豕之惡

而肥鯁食鱣八曰挹家池之水深其挈之則以龍

尾之車更深者為之玉衡之車恒升之車無立其

足則以大石為墜闕巨木而置之無夾其筦則跨

池為梁而置之既出而為槽以達之若挈瓶施繻

焉亦從其梁中底之坎既激焉為噏筦以去其激

噏筦者截竹而通其節或卷銅錫焉兩端塞之中

底而為之孔孔之徑當底三分之一上端之旁為

之孔無過三分一指可掬也掬其上孔而入之水

至于底而啓之則自下孔入者皆澱也既盈掬而

出之而傾之如是數入焉澱盡而止凡施簞亦從

其梁野池之灌畦若田也亦以三車挈之置車亦

如之池大者無跨其梁則跨之隅

〔注〕足謂龍尾之下樞也玉衡之

雙簞恒升之簞底也簞者玉衡之中簞恒升之簞上端也繡汲井繩也下五圖之已庚辛石闕巨木

也士癸梁也子丑喻簞也寅喻簞也底孔也卯旁孔也未申梁跨其隅也九曰脩池無

新故或深焉脩之則用細潤之石舂之簞之與灰

同體亦與同量煮水百沸而投之和之日乾之復

舂之簞之煮水投之如是四焉舂而簞之牛乳汁


和之以塗其隙或以生漆和而塗之

〔注〕同體等細也
同量等分也○


泰西
水法

水庫一圖


方池




圓池





池方上弁







池圓上弁







水庫二圖









水庫三圖



水庫四圖



水庫五圖



贍用志卷第二

測上 徐有渠準平纂

男 宇輔 校

營造之具

木料

品第屋材以松木為上外他雖有好材不過為艸廠

廐庫等雜用而已

增補山林經濟

雜木中惟栗木作艸

屋柱則入地年久不朽作門拴則盜不敢入白楊
性剛寧折不曲竄中用桐木作板造遮陽則耐雨
露其餘橡櫨樗漆等性直之木只可作艸廠庫厠

碓磨之室同上

魯頌曰徂徠之松新甫之柏是斷

是度是尋是尺松栢有駟路寢孔碩松栢之宜宮
室之材自古伊然矣等是松栢而又以產地為差
等故松必稱徂徠栢必稱新甫誠以二山之產異
於他他也我東以關東北深峽產者為寔文理細
密而無膩眼邊白裏黃去白取黃光潤耐風雨俗
呼黃腸木今京城內傑構甲第多自關東伐松浮
江沉下關北則地遠莫能致也南方濱海州郡產
者謂之海松亦中用但苦生蟻不及東北之美也
栢有數種其葉側生者曰側栢栢葉松身而葉尖

硬者曰圓柏

枯一名檜一名松葉柏身者樅也松檜

相半者檜柏也側柏瘦硬圓柏醜磳蟠屈皆不中

宮室之材詩人所謂柏疑在樅與檜柏之間也若

東俗所謂柏卽五鬣松也華人以其產於遼海之

間謂之海松子其材亦中宮室之用但肌臆而輒

用作牖櫺善受鉋光淨可愛終不及松之耐久也

金華耕讀記

陳翥桐譜盛言桐材之美以為米伐不

時而不蟲蛀漬濕所加而不腐敗風吹日曝而不

圻裂雨濺泥淤而不枯蘚施之大廈可以為棟樑

桁柱其固莫比今山家有以為桁柱地伏者諸木

屢朽其屋兩易而桐獨堅然不動斯可見久効之
驗矣以墨子桐棺三寸觀之不但尚儉亦取其入
地不朽則陳說信矣我東惟南方產桐北地罕種
其材價踴但可為器用什物而已棟樑之材未易
多購也鉅為薄板用作分閣下格及欄檻木格呼俗
末熨烙作沈香色則佳同映牖及退軒假粧子用
楸木造油刷出色則黃潤可愛上同黃榆木亦可
作分閣下格及欄檻格子油刷出色則文理可愛
上同 橡櫟木深埋卑濕地年久出之劈鍊作廳板
機則色如沈香亦能耐久上同

伐木法凡伐木四月七月則不蟲而堅韌榆莢下桑

甚落亦其時也凡木有子實者候其子實將熟皆

其時也

注非時者蟲生且脆也

凡非時之木水漚一月或

火燻取乾蟲則不生

注水浸之木皆亦柔弱

○齊民要術

伐松

宜晴天去皮入水浸久則不生白蟻又云五更初

削去皮則白蟻

同上

起房木料須預堆當風日空

房之處待一兩月後乾透除去潮濕氣鋸造房室

則髓眼緊不得走動

案

新斫之木除須一二年日風燥未易除去潮濕○多

集能

聚材法未起造時先將每間濶狹高低筭定遇有舊

屋未便可零買桁條但量長短五柱須看筍眼若
椽子不論大小長短多多益善古今秘苑將起造時

先做計要用木料若干估得一百兩須買一百三
五十兩蓋木之大小不齊我之用度不等有時宜
用兄弟木有時宜用公孫木餘則伸縮由我庶不
致大材小用用存即可入裝摺用同上

禁忌造屋主人不恤匠者則匠者以魔主人木上銳

下壯乃削大就小倒植之如是者凶以阜角木作

門闕如是者凶

案增補山林經濟云造屋時誤用
倒木令人顛狂解法以斧頭擊而

則祝曰吉未倒好倒好住此宅者世世溫飽桑樹不宜作

屋自死樹不宜作棟樑

居家用

屋材忌彎曲者蟲

蛀者又忌自死樹及枯桑又忌震餘木及楓棗木

又忌祠宇寺刹公廨退材及舟楫退材又大忌神

樹社木及禽獸棲據之木

增補山林經濟

忌接木為棟

柱

同上

造屋忌用梧里木

金華耕讀記

石料

品第藍浦產者最佳色如烏玉者曰烏石色如艾葉

者曰艾石白而細理者曰細石江華亦產艾石然

不及藍浦之佳也其理麤而脆者俗呼熟石細石

熟石在處有之烏石艾石則價重但為京貴墓隴

象設碑碣之材一切公私宮室之用皆細石熟石也長湍之天涯洞楊州之穿崖洞華城之花山俱產細石極佳外此產石處碁布羅列凡上等者當

就旁近產石處區別擇取

金華耕讀記

鋪堦石楊州

水落山產者最佳天生層級如累積木板樣一處釘起金張浮起厚薄均齊大小隨意他產莫能及京城內鋪突皆此石也大者一間恰鋪四石同上

治材柱下石宜厚而四檠柱尤宜厚而大古今秘苑檠

柱子宜用鼓式

案圓柱宜用鼓式方柱宜用方礎

牆壁內者宜

用甘蔗段式不論面石塘石四方者價貴兩頭薄

者賤

同上

前階梯石宜濶濶則登階者移步寬然

有餘狹則止容半脚難於上下也

同上

治礎石寔

宜石底平正不躋又須衆礎高下齊一不爽毫釐

治階石不論大小厚薄惟以上下面平正累砌不

躋為貴不然而一或斜缺凹凸用石礫撐度只齊

外面則久後不禁礫脫石傾而全工盡棄矣

金華耕讀

記

階高二三尺以上砌石亦當二三重其砌之

也令上下石交亞合襟處如坎離文勿令合襟綿

路直下

同上

階石貴長長十二三尺為上七八尺

為中四五尺為下

同上

或甃甃為階而上下四隅

砌石為緣者其石只求長不求廣琢治令淨若磨
礪則尤好上同 階上鋪甃者四沿石上面宜作一
路齧級令受甃其深視甃之厚今人有不鋪甃而
作齧級者無謂也上同

土料

石灰石灰以青色為上黃白次之石必掩土內二三
尺掘取受燔土面見風者不用燔灰火料煤炭居
十斤薪炭居十一先取煤炭泥和做成餅每煤餅
一層疊石一層鋪薪其底灼火燔之最佳者曰礪
灰最惡者曰窰滓灰火力到後燒酥石性置于風

中久自炊化成粉急用者以水沃之亦自解散凡
灰用以砌牆石則篩去石塊水調粘合甃墁則用
油灰用以墁牆壁則澄過入紙筋用以墁貯水池
則灰一分入河沙黃土三分用糯米膠羊桃藤汁
和勻輕筭堅固永不隳壞

天工開物

泡石灰法將成

塊石灰用水入內隨用棍鈎之類不住手攪和幾
千遍自然稠粘然後傾水去其底脚粗塊用水浸
著俟十日半月後取用越久越好但不可乾了若
不攪和則沙散難用不浸多時則有小石子一時
泡不開粉牆

墁

華人指墁

則成泡釘砌牆又不堅

久集能

粉牆法將浸下石灰去其粗脚另用書

店內裁下綿紙攸紙條若干泡之極爛和入灰內

及粉時用糯米煮稠粥搥入內粉上外面用箒掃

過自不剥落紙條名曰紙筋不可用有顏色者同上

蠣灰海濱石山傍水處鹹浪積壓生出蠣房閨中曰

蠣房經年久者長成數丈濶則數畝崎嶇如石假

山形凡燔蠣灰者執椎與鑿濡足取來藥舖所貨牡蠣即此

碎塊疊煤架火燔成與石灰同粘砌成牆亦與石灰

同功或以蜆灰為礪灰者誤也天工開物

白土處處有之粉白而有黏氣者佳今人取以和石

灰為泥漫飾牆垣瓦礫之間白紋可愛湖西保寧
產者忒異土人用以塗房室內壁其膩如玉其明
如鑑不藉紙塗而四壁明晃

金華耕
讀記

沙壁土東國宮室之制凡鋪墁裝壁皆用赤黏土土

性獷烈乾輒皸坼更取黃細沙土之略帶黏氣者
和馬矢搗泥薄漫其上以掩皸路填罅隙平其不
平俗謂之沙壁巧者致意每在於此泥太稀則流
潰太稠則不眠於壁有麓沙則癢痕貯泥于馬槽
更人熟踏令如稠粥揀去麓沙然後漫貼于壁雙
手執鈐鈐音胡泥鏝也塗工之具今俗呼為土手
鐵造而木柄其巧鏝處狹長而面平如砥

其頸作乙字形

用力磨揩愈好要令其平如木受鉋其縫

合土木之際如糊塗紙乃為工也凡沙壁之土在

處有之漢陽產者為最然苟倣華制墀必鋪甃壁

必等甃椽必鋪簞則又無事乎沙壁之土矣

金華耕讀

記

瓦甃

燔瓦法凡埏泥造瓦掘地二尺餘

黑之內必產合用土色供人居室之用凡民居

瓦形皆四合分片先以圓桶為模骨外畫四條界

調踐熟泥疊成高長方條然後用鐵綿弦弓綿上

空三分以尺限定向泥不平戛一片似揭紙而起
周包圓桶之上待其稍乾脫模而出自然烈為四
片凡尾大小苦無定式大者縱橫八九寸小者縮
十之三室字合溝則中必需其最大名曰溝尾能
承受淫雨不溢漏也凡坯既成乾燥之後則堆積
窖中燃薪舉火或一晝夜或二晝夜視陶中多小
為熄火久暫澆水轉銹與造甗同法其垂于簷端
者有滴水下于脊沿者有雲尾尾掩覆脊者有抱
同鎮脊兩頭者有鳥獸諸形象開天工中國之尾
體如正圓之竹而四破之其一尾之大恰比兩掌

民家不用甬瓦但用女瓦一仰一覆相為雌雄復

以灰泥膠粘鱗級自無雀鼠之穿我東瓦體過大

故過彎過彎故自多空處為蛇雀之窟

日熱河記

燒甬法凡埏泥造甬掘地驗辨土色或藍或白或紅

或黃

東閩廣多紅泥藍者名善泥江浙居多

案我

其藍色而黏泥者多皆以粘而不散粉而不沙者

為上汲水滋土人逐數牛錯趾踏成襖泥然後填

滿木匡之中鐵綿弓戛平其面而成坯形凡郡邑

城雉民居垣牆所用者有眠甬側甬兩色眠甬方

長條砌城郭與民人富饒家不惜工費直疊而上

民居筭計者則一眠之上施側磚一路填土礫其中以實之蓋省畱之義也凡牆甃而外甃地者名曰方墁甃穰桶上用以承瓦者曰棹板甃圓鞠小橋梁與圭門與窰窰墓穴者曰刀甃又曰鞠甃凡刀甃削狹一偏面相靠擠緊上砌成圓車馬壓踐不能損陷造方墁甃泥入方墁中平板蓋面兩人足立其上研轉而堅固之燒城效用石上磨斲四泐然後甃地刀甃之直視牆甃稍溢一分棹板甃則積十以當牆甃之一方墁甃則一以敵牆甃之十也凡甃成坯之後裝入窰中所裝百句則火力

一晝夜二百句則倍時而足凡燒甑有柴薪甑有煤炭甑用薪者出火成青黑色用煤者出火成白色凡柴薪甑巔上偏側鑿三孔以出煙火足止薪之候泥固塞其孔然後使水轉鎔凡火候少一兩則鎔色不光少三兩則名嫩火甑本色雜見他日經霜冒雪則立成解散仍還土質火候多一兩則甑面有裂紋多三兩則甑形縮小圻裂屈曲不伸擊之如碎鐵然不適于用巧用者以之埋藏土內為牆脚則亦有甑之用也見燒大候從甑門透視內壁土受火精形神澹蕩若金銀鎔化之極然陶

匠辨之凡轉鑄之法竈巔作一平田樣四圍稍弦起灌水其上凡瓦百勻用水四十石水神透入土膜之下與火意相感而成水火既濟其質千秋矣若煤炭竈視柴竈深欲倍之其上圓鞠漸小併不封頂其內以煤造成尺五徑潤餅每煤一層隔甌一層葦薪墊地發火

天工開物

竈制 燔甃必先等竈狀如大鍾內等以甃外傳以土務要緻固令火勿洩十分竈底之徑以在後六分實土等之約高三尺是為炕以在前四分起火是為竈竈前作虹竈容人執火炕後設塚口以便運甃

左右後三壁各置隱竇竇之下端抵炕之奧上端
出竇之顛是謂煙筒虹竇上砌甃約高數尺而向
裏鞠之又數尺而為竇額反復微微向外自額至
顛不限尺數顛者卽上頭洞虛處等竇旣畢始可
藏甃於炕上而藏法有四初以三耦積次於三耦
上斜積一行左斜一行右斜次於斜上兩耦積或
單積每耦之間闊容半甃又其上再以斜積如是
相間滿顛而止竇面之積自第二層稍稍引向竇
額抵額而止積畢以已燔之甃等塞堞口及虹竇
之內另開火門於等塞處三層四穴下穴最大上

而納薪下而除灰居中雙穴以引風氣中分竈顛以
甑鋪其前半為蓋以土封之以防火氣之自竈直
上也其後半則不蓋不封以宣火氣而待火候之
將止始乃鋪蓋泥封環顛如堵灌水其中隨渴輒
灌使水恆足則水火相感鏽成黛色待水冷始開
堞口虹竇及顛上土封而出其燔

天工開物

中國竈

制與我東之竈判異先言我竈之誤然後竈制可
得我竈直一卧竈非竈也初無造竈之甑故支木
而泥等薪以大松燒堅其竈其燒堅之費先已多
矣竈長而不高故火不炎上火不炎上故火氣無

力火氣無力故必藝松取猛藝松取猛故火候不齊火候不齊故瓦之近火者常患苦窳遠火者又恨不熟無論燔甃燒甃凡為陶之家窳皆如此其藝松之法又用松肱烈勝他薪也松一翦則非尋孽之樹而一遇陶戶四山童濯百年養之一朝盡之乃復身散逐松而去此緣窳一失法而國中之良材日盡陶戶亦日困矣中國之窳甃等灰封初無燒堅之費任意高大形如覆鐘窳頂為池容水數斛旁穿煙門四五火能炎上也置甃其中相支為火道大約其妙在積甃不平置皆隅立為十餘

行若埃塍再於其上斜駕排立次次架積以抵窰
頂孔穴自然踈通如鹿眼火氣上達相為咽喉引
焰如吸萬喉連吞火氣常猛雖蜀稽忝柄能均燔
齊熟自無攣翻龜圻之患今我東陶戶不先究窰
制而自非大松林不得設窰陶非可禁之事而松
是有限之物則莫如先改窰制以兩利之

日熱記河

或言蜀稽三百握為一窰之薪得甄八十蜀稽一
莖拇指大則一握僅四五柄耳然則蜀稽為薪不

過千餘柄可得近萬之甄

案昔年等華城甕城時
做天工開物燔甄法設

大小二窰大窰燔大甕三十張小窰燔一十六百
張而小窰薪二百馱然後火候始足此云蜀稽

三百握為一窰之薪得
輒八千者安也○同上

選

瓦甎法 磚色要青瓦色要白黃色不中用

案今選
法瓦亦

要青其赤者白
者皆不中用 溝瓦須揀通身圓正及聲響無病

者滴水亦須擇其聲響無病者

古秘苑今

俗云新甎

舊瓦凡甎必揀全青敲之音高釘鐙者為上瓦買

舊瓦更妙因久經風雨霜日破損者必少

多集能

去新甎燥性法 新甎須埋地窖中過上十日半月去


其燥性方可砌牆不然則砌上灰泥隨朝不得混

溶堅固

多集能

甕窰圖


甕外
前面




甕裏
後面




甕裏
前面



虹内
火門




炕




竈

積單




積耦三



積斜



積耦兩



結杜燔瓦法物貴慮遠聖人乘殷之輅取其堅固也
生民所急衣食為最屋宇次之為屋不使雨漏可
支數百年而今不能然者鄉俗無力燔瓦只得用
稻藁蓋屋故耳柳磻溪欲令外邑各就土木便近
處置局燔瓦許民貿易且曰或居民結約鳩財造
瓦則不出十數年而一村盡成瓦屋其慮遠大矣
宜亟行之且地用莫如馬農桑非牛不成養馬牛
艸藁為重貧家或因之此而不得養誠令村家皆
覆瓦而藁艸不費於苫蓋則又補益之大者也

星湖

僊說

論甃利 今天下出地五六丈入地五六丈皆甃也高

則爲樓臺城郭垣牆深則爲橋梁墳墓溝渠坑堠隄堰之屬衣被萬國使民無水火盜賊朽濕傾圯之患者皆甃也其功如此而東方數十里之內獨廢而不講失策大矣或曰甃由於土性故我國瓦而不甃是大不然圜則瓦方則甃

北學議

塗料

壁塗

墁壁既乾即用休紙

俗呼書餘舊紙爲休紙休猶棄也

糊塗曰

艸梢更塗白紙以掩墨迹曰中梢中梢之上更塗厚紙曰正梢凡正梢之紙湖南全州產簡壯紙而

故俗呼簡壯紙南平南原等邑產扇紙光潔而

疊扇故俗呼扇子紙華人所補朝鮮白礪紙蓋指簡紙扇紙等也為上關西之寧邊

產白礪紙關東之平康產雪花紙皆為佳品然東

紙終患毛起燕賀毛土紙值賤而無毛最宜糊壁

後者用粉紙則尤佳金華耕讀記凡新豎房屋艸梢

後任置一年半年勿遽正梢蓋新墁之初柱壁之

際密觀無罅及夫經久土木乾縮交際罅折而

塗紙皺起矣刀劃皺處更用紙撫填補罅拆之隙

然後始可中梢正梢不然而建屋之初即作正梢

則畢竟柱壁交際禁不得絞皺之紋矣同上或於

底粗脚但取浮起黏細者傾去水用榆木汁紙筋和勻塗墜俟乾用鈣磨平泡釘過七八箇月後如有柱壁間罅隙依前更以石灰塗墜俟乾塗紙二三重則既不費休紙且白淨可愛同上

牘塗中國燕京熱河宮殿牘牖皆用我國貢職塗之為其堅韌耐久也然燕貢白綿紙非東紙之佳品

當用全州簡壯紙糊牘

金華耕讀記

油書牘法以皮紙糊牘訖用桐油白水等分打勻刷

之兩不透日明刷用雞羽

俗事方

讀書須用明牘

淨凡須油紙糊牘則明其造油紙訣云五洞六麻

不用煎二十蓖麻去殼研光粉黃丹各半匙桃枝

攪用似神仙

（案）如無桐油以黃蠟代之

又云桐三麻四不須煎

十五蓖麻去殼研定粉一分和合了太陽一見便

光鮮

必居家用

我東無桐油但用麻油煎沸入黃蠟白

礬熔化濾滓用綿椎蘸油刷牖紙亦自明瑩光鮮

金華耕讀記

或者煮石花菜為膠迨其未凝用糊筆蘸

刷牖紙亦可取明與刷油無異

同上

天板塗

凡天板一間作四井或九井其井皆用細木

條縱橫作櫺先塗錢厚紙次塗色紙或青或綠或
鴉青隨意倭質各色菱花牋亦佳或用丁粉和銅

青龍花等設色仍以法製荏油刷光或柿漆和松
煙漆之或用黃紙塗而黃漆漆之或用卍字紋竹
簞裹而黃漆漆之或用胡粉雌黃松煙墨等彩畫
三錢豹皮紋種種鬪奇不可殫舉其嵌井之機用

青紙或油紙塗

金華耕
讀記

堦上塗鋪堦坊墁既乾先塗休紙四五重次塗白紙
二三重始糊油板嶺湖南產楮地方皆能造油板
一間可鋪四張者為上鋪六張者為下或另造結
大簾子浮紙一張恰鋪一間者其價十倍非豪貴
不能致也凡鋪油板用小麥麩打糊令極稠復搗

黃豆為屑和糊始可膠黏不然而糊稀無力則紙輒離起不黏也糊板既畢勿遽入處更用荏油煎沸布巾蘸油擦刷油板之上烘堞令熱待乾淨入

處

金華耕讀記

還魂紙油板法用堅厚礪光裁剪餘

紙

裁油衫及煙艸匣剪餘紙條窠佳

入淨瓮內水淹數日手揉令

扯解絞去水以榆木汴楮糊艸汁

俗名和勻為劑

鋪堞坊慢既乾先糊休紙一兩重即將還魂紙劑

用鈣薄薄鋪慢于堞上如慢沙壁土法要令厚薄

勻齊切忌凹突不平及有綿隙鋪慢既畢烘堞令

乾俟乾用裁書廣刃刀磨削瘕疾不平處以糊筆

蘸荏油擦揩周遍不住烘堞則過五六日便作上好全張油板矣其四壁下壁堞交際處另用堅厚

油紙作長條

條廣一寸餘

糊掩罅痕

同上

松皮油板法松

皮搗篩為屑用榆木汁和搗為劑鈐墁堞上如上

法烘堞令極熟俟乾以鉋削平光滑布帛野豆腐

灌以荏油周徧摩擦過數十日即成全張油板或

言七分松皮屑和三分石灰則堅韌

同上

棉子油

板法鋪堞既乾用碾過木棉子裊糊和勻密密排

嵌于突上烘堞令乾俟透乾鉋治削平灌油烘乾

如上法

同上

黃蘗油板法黃蘗皮搗篩為屑入石

灰紙筋或苧麻絲

〔案〕松皮油板亦宜入紙筋

榆木汁和勻為劑

鈣墁灌油如上法銀杏葉秋深黃落者亦可曝乾

為屑如上法黃蘗及銀杏葉皆能辟蚤蝨云

同上

阿膠油板法鋪墁既乾塗紙一兩重

紙用白紙忌用有墨跡者

仍煎牛皮為膠用糊筆塗上烘墁令乾俟乾更塗

如是六七次膠厚數分則止鉋治灌油如上法

同上

糊

東人塗壁大抵用小麥麪為糊考之本艸黃蜀葵

莖汁構木汁皆粘紙有力又和漢三才圖會蕨莖

中心白粉最善黏紙紙工家取作糊以黏箱籠等

器又海蘿乾者煮之為糊用以黏紙或和石灰為

聖塗此等皆可與麥麴和合作糊也

金華耕讀記

蕒

茲勝瘴去濕故中國海洋船必用蕒茲糊塗牖則耐久不損凡居近海邊瘴濕之處者宜用蕒茲為

糊塗壁糊牖

同上

樵汲之具

樵器

斧

斨

隋登曰斧方登曰斨皆所以斨薪詩曰斨薪如

之何非斧不克又曰取彼斧斨以伐遠揚是也其柄曰柯詩曰伐柯伐柯其則不遠是也柯必貫登其貫欲若不若則執柯者用力過猛往往有斧刃

脫出跳躍誤傷旁人者宜於柄貫登之頭釘小橛以

防其跳脫橛用鐵釘尤好

金華耕讀記

鋤大四鋤小曰鎌皆刈鉤也鎌刈穀刈薪之所同

案制

詳農器圖譜

鋤則惟樵者用之此其所異也鋤之制及

長三尺柄長一丈以上山原水隈艸葦茂長高可

隱身處樵者兩手執柄膝跪揮鋤附地刈倒一日

可刈數車薪若高崖斷谷樹木薈蔚短隴矮阜石

礫錯落則但可用小鎌隨處刈取而已無所事乎

鋤矣山樵者宜並置二器

金華耕讀記

荆耙荆耙揉荆條為鉤十餘鉤排列而其本縈固于

木柄之頭用以收括落葉斷藁每秋深木落一童
子持一荆耙一藁網入山林可得一日二哺之饜
亦可疏剔禾稻農樵家所不可無者也

金華耕
讀記

柴網

用稻藁絞索結作疎網大索以收貯落葉枯菱

亦樵蘇家不可無者未可以其制儉率而忽之也

但稻藁經潦輒腐斷宜用榮麻索為之

金華耕
讀記

汲器

柳棬

中國之井必上設轆轤下垂雙綆結柳為棬其

形如瓢而深一上一下終日汲不勞人力

執河
記

瓢

瓢瓢也有甘苦二種苦以作瓢甘則供饌作瓢皆

可也待熟剖之烹淪去瓢乾淨則可酌水盛饌東
人井不設轆轤汲者皆自持汲器用藁索為綆十
字絡瓢而綆長視井之深往往有一二丈者蟠貯水盆
而往其既汲而返也仍浮在水盆中其注水于缸
也投之厨棧之下塵穢亂黏再汲三汲皆此瓢此
綆則不但主人日飲不潔之水井亦日受塵穢而
失其故性矣宜亟用轆轤而汲器則用椶用瓢無
擇也或有瓠瓜不成之年代用木瓢今峽民有剝
木為瓢負出野地而售者較為耐久

金華耕
讀記

木桶中國水桶皆鐵箍以細釘緊約絕勝於綰竹為

經歲久則朽斷且桶身乾縮則竹籊自然寬脫所以鐵籊為得也汲水皆肩擔而行謂之扁擔其法削一條木如臂膊大其長一丈兩頭懸桶去地尺餘水憲窄不溢我東則惟平壤有此法然不肩擔而背負之故甚妨於窄路隘巷當以肩擔為得也

熱河記

老杉板有雲水之標為水桶能耐水盛酒

味美而久不敗

和漢三才圖會

驢汲法木造鞍橋中豎指大鐵圓橛復削一條木如臂膊大長視鞍橋之廣刺二三尺兩頭懸桶正中穿一小穴貫在鞍橋上鐵橛凡井泉稍遠者用此

法甚省人力始則一童子鞭去鞭來行之既慣驢
自來往但於井邊有人汲水注桶厨棧下有人取
桶傾缸而已桶視人擔之桶稍深無妨

金華耕
讀記

陶缶埏泥為盆入窰燔造與他陶器同容水二三斗
兩邊作耳令可手執凡婦女汲井皆用此器八域
之所同也冰程泥徑足一跌則輒為顧視無益之
物而日用井臼最需此器故處處陶戶日夜埏埴

頻獲奇羨

金華耕
讀記

木缶峽民或剝木為缶而售諸野地者頻能耐久但

患日曝則圻裂宜用鐵箍上下釘固

金華耕
讀記

柳罐

編杞柳為罐紙塗其內

並塗外亦可

另貯石灰于木

盒以熟豬血潑灰蓋住盒蓋

金與蓋並用木造者
鑰金甃盒並不用

以膏之待如稀糊用豬毛帚蘸塗盆內乾曝則盛

水不滲涓滴

金華耕
讀記

長桶

制如水桶而狹長俗呼長木其形腹飽而兩頭

殺口在於腹凸起穿小穴以受水凡汲遠地名泉

用此器置支架上負之亦有陶造麓造者

金華耕
讀記

鐵缸

厨棧邊貯水之器也鑄鐵為之中侈而上下奔

形如釜而大大者容水數十盆琢石度足錠木為

蓋

或用箸蓬為蓋
者不能耐久

無力之家或用大瓮貯水遇凍

輒埋地或用稻草裹着每患圻裂一年一易積數十
年之費可脩一鐵缸也

金華耕
讀記

石缸琢密石為缸或方或圓或六角八角隨意磨治
潔淨可以久貯水不敗但工費不下鐵缸搬運尤

未易

金華耕
讀記

論厨中宜置二缸厨中安水缸二口用一存一以防

火患但須用完一缸即將此缸底渾濁水脚盡行
刮去再挑入新水方可供食凡米粒飯糲皆不可
撒入有毒害人又須箬蓋蓋好以免蛛尿蟲涎之
毒在夏月尤為要緊

知世
事

水缸須在屋內陰處

纔好若在露天處怕日晒有毒食之多生瘡疽
須另蓬遮陽

人事通

炊爨之具

炊餽烹瀹諸器

釜

古制有足曰錡無足曰釜而今無足則釜制也古

制大口為釜小口為鑊今釜中侈而上下弇則又

近鑊制矣古史考黃帝始作釜蓋炊器之最古者

也埏泥為型鎔鐵模脫海西人善為之處處逐薪

炭而設竈鑄釜鍋

俗呼釜為鍋

鑊鑊之屬者大抵多海

西客戶俗謂水鐵店京都東西江產者易熟省薪

鄉外產者質厚頗費薪亦能持久

金華耕讀記

鎔鐵

為蓋要大不要小又要平穩不歇躋令不漏氣乃可炊飯不致半生半熟也若用木蓋須用法製油油其上面同上

試釜法

凡新鑄釜試法以輕杖敲之響聲如木者佳

佳聲有差響則鉄質未熟之故他日易為損壞工天

開物

治釜不渝法

常於暗信處買取最初鑄者鐵精不渝

輕利易然其渝黑難然者皆是鐵滓鈍濁所致農政

全書清之又清治令不渝法以繩急束蒿軒兩頭

令齊著水釜中以乾牛尿然釜湯煖以蒿三遍淨
洗杼却水乾然使熟買肥豬肉脂合皮大如手者
三四段以脂處處徧揩拭釜察作聲復著水痛踈
洗觀汁黑如墨杼却更脂拭踈洗如是十遍許汁
清無復黑乃止則不復渝煮杏酪煮錫煮地黄染
皆須先治釜不爾則黑惡

齊民
要術

馴鍋法新鍋支灶後宜留意水火之劑或鍋內少水
而麓薪猛火烘爨無節則水乾鍋焦不久坼裂凡
新支鍋者必用艸薪慢火鑊物先煮犬肉薪用稻
藁寔佳又數數用脂麻油擦揩鍋口及蓋專在爨

婦細心者護馴調既久可經十年不易

金華耕讀記

補鍋法

民間破鍋有補綴之法補鍋匠負小鑪呼行

村閭一日可補數三鍋雖裂作二三片者亦可補
合其法接合圻痕綰竹箍固用鐵釘琢作小穴于
圻痕之中鎔鉄灌穴打濕艸片按平視圻痕短長
或作二三穴或作三四穴復成完鍋注水不滲然
補處易欠凸突不平凡刷鍋酌水偏受觸動故補
鍋終不能耐久如補紉之衣窮閭寒儉之產也連
文遺民有補鍋匠失其名意中國亦有此匠也

金華

耕讀記

兩熟鍋雙鍋相連而中隔之各有蓋一以炊飯一以煎羹亦有三鍋連作一器者今處處鑄戶皆能為之頗能省薪案魏略種繇為相國以五熟鼎範因太子鑄之釜成太子與繇書曰昔周之九鼎咸以一體調一味豈若斯釜五味時芳是知自古有此制也

金華耕讀記

陶鍋形如小缸而兩耳在腹兩邊以支竈其蓋亦陶造善則則可用二三年南方烏麓鍋尤耐久案王氏農書引異錄曰南方有以沙土燒為釜者燒熟油之淨逾鐵器尤宜煮藥一斗者纔直十錢斯濟

貧之具不可無者未知中國陶釜之制與吾東何

如也

金華耕讀記

石鼎傳稱黃帝始鑄鼎其制兩耳在上三足居下中

畫雲雷百物之象今炊飯之器無足而耳在左右

乃釜之小者而冒鼎之名非也

今俗指釜之大而濶口者為釜指小

而為鼎口好事者或倣古制琢石為鼎兩耳三足中

刻雷紋作為林園清供亦不多見也或養生家為

蒸飯軟爛用石鼎朝夕炊飯則仍用釜制支灶而

炊蓋作鼎之石另有一種密理而軟受斧鑿如木

色烏黑或青白今梓人用作煎膠器者是伊川產

者最佳

俗呼晉華耕
金讀記

石鼎宜鍤木為蓋苟鼎做

古制則蓋上亦當作饗饗

同上

凡新造石鼎用稻

藁火燒冷三四度然後堅固置濕地則剝落易破

常置燥處勿襯放地上

山林經
濟補

燔青石法青石初採於地中甚軟作爐鼎後塗法油

埋糖火中過一宿取出敲之有響者硬而耐久

甌炊餽之器也底鑿八九孔以安于釜口而受氣考

工記陶人為甌實二輔厚半寸可知其自古為陶

器然廣韻云鈇甌也集韻云鈇甌也梁人呼為鈇

吳人呼為鈇鈇與鈇皆从金則古亦有銅甌又可

知矣今人或作銅甑用之傳世不似陶甑之每歲

一易也白樂天同佛光徃香山炊桐甑烹魚則又可

以鑊桐為甑矣

金華耕讀記

案韻會甑無底曰甑說

文算蔽也所以蔽甑底也宣華制甑本無底而用

算蔽底以裝米耶東制有底而穿孔受氣故蒸饅

之氣一或末遍輒患偏生偏熟當以華制為勝

同上

甑

正字通云博古圖甑之為器上若甑可以炊物下

若鬲可以飪物蓋兼二器而有之或三足而圓或

四足而方商有饗饗甑周有垂花雷紋甑漢有偃

耳甑皆銅為之今雖不必用饗饗雷紋偃耳之象

而略倣上甑下鬲之制銅鑄一器上甑以裝餅餌
之劑下鬲以具水火之用爇炭鬲下而炊之則不
出房闥之間而可炊餅餌糗糕之類

金華耕
讀記

鑪口鑄鐵為之體匾而底平無足而有唇亦或有三
足者其蓋鐵為之形如釜蓋凡烹肉熬粥飪魚滌
蔬無所不可厨竈中不宜闕者也案字書鑪音魯
釜也未詳鑪之制如何而東俗之呼為鑪口方言

也京畿朔寧產者佳

金華耕
讀記

鈔用鋤造形如無足鑪口而深倍之其蓋亦鋤造而
邊界曲折弦起中隆起上有小頂子凡烹滌煎熬

無所不宜較鑊口體薄易熟故一切烹飪之急需者多用此器案字書鈔銅器也又曰水盆如今之銅面盆今鈔用形與有唇銅盆相似特徑圍小耳其彌鈔用方言也

金華耕讀記

銅鑊口

鑊造形如鈔用而大容水三四斗無蓋而唇

狹兩隋環釘在腹兩邊以便持舉凡欲多灌水爛煮非此莫可案說文鑊溫器一曰銅器博雅鑊舖也六書故今人以慢火爛煮肉物為鑊意鑊之制

與今銅鑊口相似也

金華耕讀記

鍋刷

刷鍋之具也棕絲最佳而難得今人用馬蔴根

為之亦足充事

金華耕讀記

算

東甌有底而以其有孔穴也故須用算蔽底然後

始可裝餅餌之劑或用竹篾或以薊艸結成

金華耕讀記

淘米瓢

鋤木為之底弇上侈內面刻作齮級層層環

繞貯米注水兩手執瓢搖漾移時傾注他瓢則塵

沙皆落在齮級之間而他瓢所受則淨米也傾去

水入鍋炊熟物雖微亦炊具之不可一日闕者也

金華耕讀記

浙米筭

米多瓢不能容者貯水大盆入米淘洗既淨

用筭漉米移盛他器其筭剖竹結成形如杓而作

三角形其柄不偃而豎

金華耕讀記

箕

六漉米器說文浙箕也又云漉米簣切後又

炊箕也廣雅曰浙簣

音匣音旋一曰

方言云炊箕

謂之縮

漉米也

或謂之篋

音

或謂之匣

江東呼為

蓋

今炊米日所用者

王氏農書

箱

所交切

飯箱也說文陳

留謂飯帚曰箱從竹捎聲今人亦呼飯箕為箱箕

南曰箕北曰箱南方用竹北方用柳皆漉米器或

盛飯所以供造酒食

同上

筴

筴

何

比籬稍扁而小用亦不同

案籬見農

筴則

造酒造飯用之漉米又可盛食物蓋籬盛其粗者

而差盛其精者

王氏農書

鍋鏟飯既熟用此取之或銅或木形如杓而平圖不

尚其柄微偃而短

金華耕讀記

飯鑊鑊造上濶下歛而底平唇狹飯既熟用鏟搬貯

此器略出濛騰之氣然後始可分盛鉢盂鄉村無

力者或用瓦盆代之

金華耕讀記

銅盆鑊造形如汲水陶缶以盛飯粥羹臠餅餌之屬

無所不可

金華耕讀記

銅杓鑊造其酌物處圓徑三四寸四邊弦起其柄長

而微偃凡粥飲羹臠之既熟用此酌取猶飯之有

鏊也

金華耕讀記

溫熨炒燂灸諸器

鉋說文鉋溫器正字通鉋釜之小而有柄有流者今

來自日本者或有柄有流或無流無柄而有舉梁

或無舉梁而有唇可舉或銅造或鐵造其制不一

皆薄如紙所以炊物易溫也蓋用木造髹漆凡溫

熨熟物或作小小粥飲多用此器東人呼為棧可

飛方言謂速為棧蓋言其疾速如飛也

金華耕讀記

鏊六書故鏊溫器也旋之湯中以溫酒今東人鑰造

小盆以熨溫酒饌于湯中蓋鍤之遺制也俗呼凉盆凉者薄也

金華耕讀記

卅字湯器華制也用鑰鑰造形如小盆而有蓋當底之中豎以一銅筒穿出蓋上兩邊綴隋圈環以便持舉作湯既熟爇炭于筒中貯湯于四公而瀹之冬月溫器之最佳者也

金華耕讀記

鐺

溫器也通俗文舖有足曰鐺緯略鐺三足溫酒器

是鐺有足矣宋太祖比雷德驤曰是鐺亦有耳則又有耳矣今制隨意不一而其用則同也又案廣韻鐺鎔溫器杜預傳釜甗鉶槃鐺鎔皆民間之惡

用也未知錫鎔之制比鎗如何而要皆饅爨之憑

需可隨意製造不必一一依倣古制也

金華耕讀記

鈔鑪來自日本用赤銅造形如鹽盆而淺兩邊綴以

隋環以便持舉大小相疊五器合為一部凡炒燂

芝麻等物最宜用此今人或作鹽匣則失其用矣

金華耕讀記

炒槃銅造形如鍋蓋之仰者藥舖用此器炒製藥料

凡餽料之小小炒燂者亦可用此器

金華耕讀記

炙鐵形如炒槃而鐵為之凡油煎果飣糕餌魚肉皆

用此器

金華耕讀記



漏杓制如銅杓而其酌物處鏤雕卍字紋玲瓏透徹

或銅作宦圍而用銅絲結網用炙鐵油煎餅糕黏

果以此撈取則油盡漏下

金華耕讀記

氈笠鍋鐵為之形如氈笠之仰者故以名風爐炙炭

置鍋其上瀹蔬于中爇肉于外其制始來自倭今

遍國中然終不如倭造者佳也

金華耕讀記

燔架鐵作方宦就其內相距一寸豎架鐵條有小柄

舉置爐火上以燒炙魚肉

金華耕讀記

燔網鐵作方宦而用銅線作網于其內亦燔炙魚肉

之具也

金華耕讀記

爐橋兩鐵條頭綴連環凡燔炙魚肉先用此作橋于

爐上而後始可置燔網等器而燔之

金華耕讀記

釀造諸器

甕

陶器之最大者亦日用之最需者也凡釀酒造醬

沈鹽作道皆用此器案字書甕罌也又汲器也漢

鮑宣妻提甕出汲晉劉伶捧罌承槽則甕罌皆小

可提挈之器也莊子以甕養喻大鑿抱朴子云四

瀆之濁不如甕水之清瀆以喻至大甕以喻至小

則甕之非大器又可知矣然後魏賈思勰齊民要

術有黍米酒當梁酒杭米酒諸法計其水麴之量

及一酸再酸三酸之米恰過數三十斗而猶未滿
甕則甕又非小器矣豈甕是尾器之通稱而不論
大小同名為甕耶今甕之大者容水四五十斗小
者亦不下十五六斗處處陶戶逐松林設窯燔造
船輸人負出售于野凡釀造之家宜揀別收之有

沙隙則走失酒醬津則能令釀造變味

金華耕讀記

南方有烏甕甕用白土為坯以石間朱儉黔水調

塗之入窯燔成此陶器竅能持久

同上

凡釀酒醋

醃酢者用油紙箬葉封口以木蓋覆之

鋸木為蓋圓徑視甕

口大小令可覆唇

凡造醬之甕宜用潤口者以受日晒其

盖用濶口大盥盆

〔案〕制詳下

晝去夜覆以避霜露或日

中有雨亦取覆之或用大簍笠或削竹作傘盖樣

紙塗灌油亦可避雨露

同上

今民家用稻草結作

蒲團樣為甕盖者其厚幾二寸冬月作菹埋甕地

中用此盖覆能御寒凍夏月則恐虫蟻緣伏

同上

選甕法

凡甕七月坯為上八月為次餘月為下新出

甕及熟脂塗者大良

齊民要術

買甕不論新故先審

沙隙有無掃地令平蕪薪于地趁煖止煙上覆甕

其上聚土封口勿令有罅隙周身細察有煙氣透

漏者卽是沙隙

金華耕讀記

塗甕法凡甕無問大小皆須塗治甕津則造百物皆

惡悉不成所以特宜留意市買者先宜塗治勿處

盛水注未塗遇塗法掘地為小員坑注傍開兩道

生炭火於坑中合甕口於坑上而熏之注火盛喜

適熱乃可調數以手摸之熱灼人手便下寫熟脂於

甕中迴轉濁流極令周匝脂不復滲乃止注牛羊

一好猪脂亦得俗人用麻子脂者誤人耳若脂不

濁流直一徧拭之亦不免津俗人釜上蒸甕者水

氣亦不佳農政全書黃以熱湯數斗著甕中滌

蠟甚佳價貴用松脂亦可以熱湯數斗著甕中滌

盪疏洗之瀉却滿盛冷水數日便中用注用時更

令乾民要術齊

補甕法

缸有裂縫者

〔案〕缸與甕皆是陶器補法一缸同故系此以發凡先用竹

箴插定烈日中曬縫令乾用瀝青火熔塗之入縫

內令滿更用火畧烘塗開水不滲漏勝於油灰王氏

農書又法針砂和鹽溲膠固置於陰處不動一月

如舊

山林經濟補

缸罅裂處用鐵屑醋調塗之生銹

則不漏或以芋頭煨半生半熟擦之

增補山林經濟

中圓伊甕之小者俗呼中圓伊

方言

方言也大者容

水十二三斗小者容水五六斗凡小小釀造者用

此器且造醬既熟用杓酌取其清移儲此器而更

以水和鹽傾入醬甕以取再釀蓋治鐸之家所宜

多備者也烏甕者尤佳

金華耕讀記

田缸伊形如今日用小缸而大容水五六斗俗呼田

缸伊叶以方言也其用與中圓伊同亦以烏甕者

為佳

金華耕讀記

高甿伊高聳而底平口濶四櫺平直容水三五斗方

言謂之高甿伊叶以蓋小小釀造之器也烏甕者

佳

金華耕讀記

案廣韻甕瓦器揚子方言趙魏之郊

謂之甕或謂之甕玉篇甕小甕也禮禮器君尊瓦

甕註壺大一石瓦甕五斗儀禮士冠禮側尊一甕

醴疏甕為酒器中寬下直上銳平底正韻甕小口

甕也淮南子抱甕而汲註今兗州曰小武為甕幽州
曰瓦廣韻甕甕瓦甕漢書揚雄傳吾恐後人用覆
醬甕也註甕小甕也廣韻瓠甕似甕有耳淮南子
救火者汲水而趨之或以甕瓠或以盆孟說文瓠
似甕長頸漢貨殖傳醢醬十瓠註瓠長頸甕受十
升字典瓠大甕可受一石蓋此諸器雖形製不一
大小亦異而要皆甕甕之類也今俗所謂中圓伊
田缸伊高塋伊亦其遺制而轉輾失其名者也上同
盆與汲水盆名同制異此則體匾橢偃底狹口潤無
耳而有唇與今鹽盆同而大或倍之一切釀造皆

用此器搬運物料人家所宜多備者也醬甕避雨

露亦以此蓋之

金華耕讀記

筩 編竹為之形如有底竹筒長尺有咫圍一尺釀酒

既醅嵌此作井于酒壘中以取清正韻筩酒籠漉

取酒是也亦名筩篰

金華耕讀記

無竹者用柶枝去

皮結成今京肆所售皆柶筩也

同上

粉麪諸器

鐵杵 鑄鐵為杵長一尺二三寸圍可一圍兩頭稍豐

一頭穿孔以貫木柄如斧登之貫柯兩人各執一杵對立互搥于木臼凡屑糯為糝粉杭作餌皆用

此杵金華耕讀記

豆磨琢石為磨制如麥磨而小一婦用一腕之力而

轉之所以破豆者也一制承磨較轉磨稍大四圍

剝出一二寸

上轉者為轉磨下不動者為承磨

緣圍掘槽一邊作

嘴凡作緣豆粉及他米菜之水泡入磨取汁者皆

用此磨

金華耕讀記

麥磨磨麥為麪之磴比破豆小磴其大再倍三倍轉

磨承磨同一圍徑中國有牛轉驢轉水轉人轉諸

法我東只有人轉法費力而斲效亟宜講究中國

之法也

金華耕讀記

中國轉磨法

小麥既颺之後以水淘洗塵垢淨盡又復晒乾然後入磨凡小麥有紫黃二種紫勝于黃凡佳者每石得一百二十觔麪劣者損三分之一也凡磨大小無定形大者用肥犍力牛曳轉其牛曳磨時用桐殼掩眸不然則眩暈其腹繫桶以盛遺不然則穢也次者用驢磨觔兩稍輕又次小磨則止用人推揆焉凡力牛一日攻麥二石驢半之人則強者三斗弱者半之若水磨之法與攻稻水碓制度相同其便利又三倍于牛犢也凡牛馬與水磨皆懸帑磨上上寬下窄貯麥數斗于中溜入

磨眼人力所揆則不必也凡磨有兩種麪品由石而分江南少粹白上麪者以石懷沙滓相磨發燒則其麩併破故黑類參和麪中無從羅去也江北石性冷膩而產于池郡之九華山者美更甚以此石製磨石不發燒其麩壓去扁杵之極不破則黑底一毫不入而麪成至白也凡江南磨二十日即

斷齒江北者經半載方斷

〔案〕我東鐵原漣川長湍等邑沿江之地產青黑

石天生癰痕如蟲食形土人琢造磨磴呼為怪石磨堅緻冷膩用久不斷齒若他處用凡石造者未

一月輒斷齒大抵北勝南劣與中國彷彿南磨得麪百斤北磨得麪八

十斤

〔案〕南磨多雜黑類沙屑故麪量多北磨無此故麪量少○天工開物

轉磨為

大牙輪二層以鐵軸串之立于屋中設機而旋之
牙輪者如自鳴鍾齟齬互當也屋中四隅亦以兩
層置磨盤盤沿亦為齟齬以互當大輪之牙大輪
一旋八盤爭轉頃刻之間麪如積雪其法與聞時

鍾相似

案

此即古八磨之制也稽含八磨賦云外

圓質規旋下靜似坤上動似乾巨輪內連八部外

運又案

後魏崔亮在雍州讀杜穎傳見其為八磨

嘉其有濟時用蓋其制遠自魏晉流傳至今天下

享其利而

獨東人昧如也今京都麻浦西江等造

麪之家母慮千餘戶一戶一歲磨麥數百斛者率

皆用人力

推挾捐搨然勞力費日而終不思便器

利用之道誠不思之法甚也又案此書但言設機旋

之而不詳

旋之之法宣仍用劉景宣法策牛轉之

耶抑倣自鳴鍾制懸鏹轉輪耶當

從赴燕人

詳究其法○熱河日記

東國人轉法用臂膊大义木削治平直長丈餘復削

木一條長五尺橫貫义頭如田盪形案田盪均泥器詳農器圖

譜一頭穿孔一頭即貫在磨柄轉磨邊側琢作淺槽豎嵌一木柄復

縮竹箍定以置磨廠廊中以大繩繫义頭橫木之

兩頭懸于樑上一人執磨柄而旋之二人或三人

執义處橫木而推揆助之僅數三人之力終不及

一驢也金華耕讀記

節節宜用松或柳為之伐合抱木劈鍊作方柱形復

鉅斲作三五尺長漚淹日久待通身潤濕用長刃

利刃從頭薄批以小椎徐徐椎刀背次次批下以

迄于趾則其薄僅如錢厚紙矣乃捲作篩輪繫繩
縫住交襟處其底嵌以紗羅曰羅篩馬鬃織成曰
馬尾篩竹條織成曰竹篩竹篩以篩小豆粉者也
凡粉麪之粹者非羅不可

金萃耕
讀記

篩籠編杞柳為籠上圓下方如中國太平車廂樣惟

開前面而下一半亦編杞柳障遮上下內外皆塗

紙數重以蘓麻油油之復用細木條作小架

架制
如井

字而下有
四矮柱

置架籠內置篩架上一人坐在籠前用

小叉木挾住篩輪而推挨之

金萃耕
讀記

篩麪車篩麪之法密室中置三輪搖車其輪前兩而

後一車上立四柱危置兩層大節可容數石上節
注麪下節空置以承上節更繹細粉搖車之前直
架一木木之一頭攬車一頭穿出屋外屋外立一
柱以繫木頭柱底坎地置一大板以承柱根板底
正中為枕以泛之如鼓治之法椅坐板上微動其
足則板之兩頭互相低昂板上之柱不勝搖蕩於
是柱頭橫架猛加推排而屋中之車一前一却屋
中四壁十層設架置器其上以承飛粉屋外坐椅
者看書寫字對客酬談無所不宜但聞背後擾憂
之響而不知孰所使然也蓋其動足甚微而收功

甚鉅我東婦女一篩數斗之麪則一朝鬢眉皓白

手腕麻軟其勞逸得失此諸此法何如也

〔案〕王氏農書有

水擊麪羅法與水排之制相似又有就磨輪軸作機擊羅之法尤為巧捷并宜講究試之○熟河日

記

木瓢峽民剗大木為器形如瓢而有足有唇大者容

一斛小則四五六斗或髹漆或以石間朱設色而

用法製油刷光俗呼誣池瓢方言也凡承篩取屑

及搜粉麪皆用此器

金華耕讀記

榨壓諸器

附模印諸器

油榨打油具也華制有南榨北榨卧槽立槽之異東

制亦有壓榨旋榨皮捲榨之別形制不一〔案〕各榨形製俱

詳利用圖譜當擇其便利者家置數器〔金華耕讀記〕

榨油法榨具既整理乃取諸麻菜子〔案〕諸麻指脂麻

等屬諸菜指菜當菰菜芸臺子苧菜八釜文火慢

炒凡相桐之類屬樹木透出香氣然後碾碎受蒸

凡炒諸麻菜子宜鑄平底鍋深止六寸者投子仁

于內翻拌最勤若釜底太深翻拌疎慢則火候交

傷減喪油質炒鍋亦斜安灶上與蒸鍋大異〔案〕炒鍋不

必另造即用倭凡碾埋槽土內鐵木圍者以其上以

木竿銜鐵兩人對舉而椎之資本廣者則砌石為

牛碾一牛之力可敵十人亦有不受碾而受磨者

棉子之類是也既碾而篩擇麤者再碾細者則入

釜甑受蒸蒸氣騰足取出以稻稭與麥稭包裹如

餅形

案東俗用粗麻布作袋包裹

其餅外圍籬或用鐵打成或

破篾絞刺而成與榨中槽尺寸相穩合凡油原因

氣取者有生于無出甑之時包裹急緩則水火蒸

鬱之氣游走為此損油能者疾傾疾裹而疾籬之

得油之多決出于此包裹既定裝入榨中隨其量

滿揮撞擠軋而流泉出焉包內油出淨存名曰枯

餅凡胡麻菜菔芸薹諸餅皆重新碾碎籬去稻芒

再蒸再裹而再榨之初次得油二分二次得油一

分若柏桐諸物則一榨已盡流出不必再也開天工

鐵炕炒麻法今燕趙間創法有以鐵為炕面就接蒸

釜爨項乃傾脂麻於上執杵勻攪待熟入磨下之

即爛此鑊炒及舂碾省力數倍南北農家歲用既

多尤宜則倣王氏農書

水煮取油法水煮法並用兩釜將蓖麻蘓子碾碎入

一釜中注水滾煎其上浮沫即油以杓掠取傾于

乾釜內其下慢火熬乾水氣油即成矣案李時珍

云取蓖麻油法用蓖麻仁五升搗爛以水一斗煮之有沫撇起待沫盡乃止去水以沫煎至點燈不

炸滴水不散為度此此加詳且如此則不須用兩釜矣又案東人倣此法取脂麻蕪子等油謂取油

不減油然得油之數畢竟減殺今北方又有粗麻

布袋挨絞取油之法開天工

酒榨四柱豎立一板橫嵌板四隅作筍柱腰上作方

偃仍於板下四隅板之前頭正中作嘴板上面作

圓槽復自圓槽至于嘴鑿槽一道又於圓槽之內

縱橫作槽板上四圍橫設木板為牆每釀酒既醅

用筍取清及夫清盡筍空則拔去筍用絹袋盛醅

置圓槽上以木板鎮壓復載石塊于板上則酒從

嘴流下安甌樽于嘴下而承受之金華耕讀記

麪榨用合抱大木削治令腹飽兩頭殺于腹正中鑿

一圓穴徑可四五寸準穴之圍徑鐵作圓槃亂鑿

細孔槃圍有緣嵌入于穴底而環緣釘小鐵釘以

固之凡作索麪置榨鍋上左右架木令榨穴正當

鍋上而離鍋口二三寸鍋內滾水搜麪為劑捻作

團塊入于穴復用一圓楸

楸之圍徑視穴令可嵌入至底嵌穴上

口以長木板壓鎮楸上復以大石塊壓板上則麪

自細孔連綿不斷而下于鍋漸澹糝出羣人呼為

索餅東俗呼為掬水未知何義

金華耕讀記

憲須麪榨鐵作小圓桶桶底亂鑿細孔桶之左右鐵

作雙轆以駕在鍋口上復鐵作小圓轆令可嵌桶
至底搜麪為劑納于桶仍以鐵轆嵌入鎮壓則麪
自底孔次次下蟠于鍋中滾水而為索搜劑酥淖
則壓不甚重而亦能引索蕎麥麪內更入綠豆粉
或葛粉則索不中絕客至不意可咄嗟而辦故曰

惠須麪榨

金華耕
讀記

餅案剖合抱大木作矮足大案其上面鈔治淨滑每

作糕餐

俗呼引
切餅

及作湯餅之料

俗呼權
謀餅

皆就此採

打打用橫柄槌形如磨田耨黃榆木造者佳

金華
耕讀

記

餅槌用黃楊木作小圓槌徑一寸左右有小柄如鉈柄形搜粳米粉為餅既蒸既打復捏作小毬子置案上用此槌鎮壓令薄包餡為餅市買者俗呼散

餅

金華耕讀記

茶食模用黃楊木造者佳長尺餘廣二寸厚一寸前後面皆間數分旋鑿圓坎坎徑大小無定大者一寸二三分小者八九分其坎底平四圍削立用木賊刷治光滑更就坎底刻壽福卍字七寶花鳥之形密搜諸般菓屑豆麻屑填坎平齊就木案斜棧敲槌則箇箇脫出如墨脫模或用小麥麩搜以油

蜜脫模油煎者俗名茶食藥果其模竅大圍徑一

寸五六分多作花瓣形

金華耕讀記

餅範鐵作小圓範形如長數寸竹筒搜糯粉就案上

捍作薄皮以此器印脫油煎俗名山僧餅疑本出

僧家素食品也

金華耕讀記

麪碾用剛木為之形如擣衣杵而不作柄毋論糯杭

麥麪凡欲捍作薄皮者皆用此就案上捍碾銅造

石造則尤佳

金華耕讀記

割飪諸器

饌刀刃長尺餘柄長三四寸刃不必太犀利但可批

肉切菜則足矣又有小刀以批削膚果之皮制與

今佩刀同

金華耕讀記

俎

木作矮足小案凡剝爛魚肉裁割菜蔬皆用此為

椹以受刀及饅爨器具中最宜多備者也

金華耕讀記

剪刀

制同裁衣剪刀而差長用以裁割脯脩槌鮓等

物

金華耕讀記

餅刀

以木為之長可尺餘廣數寸厚數分其手執處

兩邊斜鋤作半月形炊餅既熟覆甑于槃而去甑

脫餅用此批入層隔之間而揭起之

金華耕讀記

磨薑板

來自日本銅作小板板面排行作細齒左右

有沿上有短柄一手執柄倚板于器一手取去皮薑磨
揩齒上則薑絲與汁俱下于器凡取蕪菁菜蕪菜

奈等汁皆用此器

金華耕讀記

鐵叉碓兩鐵條交頸相叉自叉處以下為柄以上為

口口內邊刻作齒級用小鐵樞貫固交頸令可張

翕海松子殼厚難破用此破殼取仁

金華耕讀記

鐵榧鐵作小圓榧嵌在木跗子上復鐵作小榧木柄

橫貫凡欲榧爛脯腊之類置于鐵榧上用鐵榧榧

之

金華耕讀記

登樂諸器

瓷

器東俗謂朝夕飯饌之器曰槃牀器

飯一孟一羹一菜羹
碗一羹一菜羹

一莖菜鍾俗補甫兒一醬鍾一醋醬鍾一腊醃菜
炙等樣各一諸色俱備謂之全部槃牀器四其飯

孟羹碗並有蓋廣州官窰即今分裝匣鉢燒造者為上正

圓者呼為鵝卵器十角者呼為十面器不裝匣鉢

而燒造者次之但能為圓不能作十角八角也其

設色但用回青一料

〔案〕今燕買回青即無名異而
假名回青說見下工制總纂

外更無他料近聞有作茶褐色淡紫色者

〔案〕茶褐
色淡紫

色并以絳礬濃
淡畫出作顏色未知用何料也若處處私窰之燔

造舉皆苦窰鹽惡色黯質拙但為農氓饅田之用

而已然疎脆善破不如木器之耐久也

金華耕
讀記

華造瓷器

傳見

中國店舍器皿皆用畫瓷雖荒僻去

處破敗屋中其日用飯食之器皆金碧彩畫之碗
碟非其尚侈而然也陶工窯家之事巧木自如此

雖欲用鹿瓷惡密不可矣

熟河日記

花鳥虫魚嘗見

一膾碟衆小方碟密排嵌托于一方碟陳設在卓
則合成一器人各取喫則各自為器又見一大碟

其形隨方長可及餘四泐弦起中畫水藻中大鯉
飛躍之狀以盛金魚蒸者也至於杯盞壺盒之類

種種設色種種闢巧有難殫舉矣

金華耕讀記

倭造

碗碟視華制尤精美大抵多純白而金飾口緣或

金作壽福字于中其從對馬島購來者不過彼中
荒徼工造而較諸我東瓷器不翅如燕石之於良
玉未知江戶大阪城等都會窰制與燔法何如也

同上

補瓷器法先將瓷碗烘熟用鷄子清調石灰補之甚

牢又法用白芨一錢石灰一錢水調補之

王氏
農書

白芨一兩為末雞子調勻修補以綿札緊火上烘

乾如新永不壞忌用雞湯洗

古
秘

用田螺肉為

糊粘瓷器永不離

和漢
才圖會

白礬末熬火沸沫來

熟粘之妙

山林
濟補經

鷄子白和白礬末粘之

增補
山林

經濟

好漆取清者以細羅小麥麴少許和之粘磁

器甚牢亦可粘破陶器破硯同上地種葱葉內納

自頸大蚯蚓一枚封葉端過一日見之則蚓化為

水取其清粘磁器無痕且牢同上中國瓷器破缺

者不棄皆外施鐵釘為完器但所未可曉者釘不

透內而緊舍不退襯貼無痕熱河記

鍮器

東俗最貴鍮器朝夕登盤之器皆用鍮造案我東所

謂鍮即中國所謂響銅

其制不一或有足或無足

或只飯盃羹碗有蓋餘皆無蓋或並與櫟鍾有蓋

古則夏用甕器冬用鍮器為其貯食不易冷也今

則無冬夏皆以鍤盂貯飯矣古則惟輦轂豪富之家始用鍤器今則荒村繩戶之中無不鍤盂鍤碗數三事矣處處鍤匠開爐鼓冶湖南求禮造者名於國中近年松都人亦善為鍤器鑄造者品佳熔鑄者差劣一部槃皿全者直或至三四十錢鬪靡者或用白銅造則其直倍之

金華耕讀記

鍤器價翔

故論人家豐儉者必先數鍤器少凡野居谷處者切戒多畜鍤器以誨盜且考之本州銅器盛食經夜有毒又置酒於新錫器內浸漬日久或有殺人者凡日用飲食之器皆宜勿用銅錫至於白銅既

知其用砒制鍊尤不可作饌器如取冬月貯食不
易冷當用鍤鑠造器中國酒觶皆鍤鑠鑄成刷光
出色白淨似銀但東人不知鑄冶之法凡鍤鑠器
束來者一或傷缺更不能改鑄宜從赴燕者求其

法也

同上

匙箸匙與箸皆鍤為之其用銀者千百之一然匙箸
須用銀以食有毒則銀輒變色也無力者或只匙
之拍飯處箸之掇饌處以銀為之餘以赤銅續之
亦與純銀造無異也若中國短柄瓷匙所以酌取
熱湯羹者象箸烏木箸每十隻為一束今人或買

置數十百隻者所以備稠造衆會之用也物類相感志云棗木作匙者為其不餽及不粘飯古又有

棗匙矣

金華耕讀記

用象箸法如用象牙筋預先半日前放入淨水盆中浸透用時以布拭乾雖久用亦不油黃蓋牙筋收藏箱篋內自然乾燥一遇餽饌油湯自必浸入今以水先浸飽雖遇油湯亦不入矣凡牙筋不可日晒不可用熱水洗不可近爐灶熱煖處俱易於彎裂牙筋如彎可用淨水浸二三日將彎筋安在直筋中間上下扎緊其彎筋自直平日收藏牙筋亦

要上下扎緊不可散放

人事通

磨光鑰匙箸等物失落火灰隹黑法復以所焦物燒

熱火中取出揩磨於無沙石土地上如新

增補山林經濟

槃擗人皆椅坐故每食數三人共一卓東人席地坐

故一人專一槃槃之制旋木為之四足居下大小

不一其絕小只可陳二三器者俗呼手槃謂一手

可舉也不論大小皆髹漆市買者漆多雜偽藥用

之未幾漆輒剝落初買更用真生漆厚漆之可十

年不敗也三南兩西造者或作十八角十二角又

或作隋方形皆髹漆而四足合盤處用黃銅廣頭

釘釘固亦頗耐久統制營文本槩之黃漆者亦佳

金華耕
讀記

倭盤來自日本體圓無足而小髹漆而金畫艸卉花

葉之形可托茶酒果釘之類

金華耕
讀記

華盤體方而小四沿弦起或髹漆或朱漆金碧畫花

鳥蓋華人所以托茶盞者也東人用與倭槩同

金華

耕
讀記

錚槃鉤造形似鉦故俗呼錚槃大小不一或小大相

嵌壘累五器為一部其用與倭槩同凡作牛觔膠

者用此器貯汁凝冷為膠

金華耕
讀記

儲藏諸器

鍍盒倭造者佳其制不一或方或圓或如花草形或層累三四格為一部或作一小櫃內有抽屈三四層種種形制不可殫舉或髹漆或青綠黃朱漆皆金畫花卉鳥蝶之狀東匠竭心智倣則終不能髣髴其設色尤不可學云

金華耕讀記

藤盒用薄木板為胎上用藤絲織或二格或三格華造也貯食久不變味案范成大桂海虞衡志云藤合屈藤盤繞成样合狀漆固護之出藤栳諸郡此則不用木胎而但用藤結成者

金華耕讀記

竹盒剖竹排糊為牆蓋亦如之斑竹者佳嶺湖南產

竹處皆能為之

金華耕讀記

瓷盒倭造者佳或作哥窯紋而金畫七寶或金碧彩

畫皆三格層累為一盒華造者制亦似之我東官

窯造者但能作一格不能作層累之格品亦麓劣

不入鑑賞

金華耕讀記

木盒峽民旋木為盒出售于野其形扁圓大小不一

大者徑一尺二三寸或髹漆或內黑外朱朱用石

間朱而以法製油刷光

金華耕讀記

鑰盒制如木盒其大小不一亦如之蓋瓷盒以貯蜜

剪果之類木盒以貯寒具饌餽之類鍮盒以貯一

切黏果之類皆宜多備者也

金華耕讀記

瓶

陶者出處處陶甕瓷者出廣州官甕烏瓷者出南

中關東亦有之大小精粗不一皆厨棧間貯日用

酒醬油醋之類者也若華造畫瓷瓶哥甕瓶琉璃

瓶及數尺觚鬲挿花挿翠之壺罇入柵以後店房

村舍到處皆有云而我東則惟京貴讌會努力侈

觀者僅有畫瓷壺盃唱酬而已雖公卿豪貴家厨

婢目不識哥甕琉璃之為何物蓋由國中陶甕之

失其制而陶制因以魯莽也案天工開物瓶甕缸

窰各異瓶窰燒小器缸窰燒大器凡缸瓶窰不于平地必就斜阜崗之上連接數十窰一窰高一級令火氣循級透上我東則不論陶窰瓷窰燔瓶燔缸都是一卧窰火不炎上必用松肱烈火近火者常患苦窰遠火者又苦不熟此所以東燔之為天下之賤工也

金華耕讀記

缸

有陶者有瓷者有烏瓷者大小形製不一用以貯

日用油蜜及一切飣料之需者也瓷者或有蓋

金華

耕讀記

洗

缸餅臭法

先以水再三洗淨却以銀杏搗碎泡湯

洗之

俗事

治酒瓶漏法

以羊血擦之則不漏

古今秘苑

瓷樽

廣州官窯造者佳形如酒樽而大用田青畫魚

龍雲物之狀蓋頂作花藥鈕可貯蜂蜜我東瓷器

惟此稍可入品

金華耕讀記

竹箱

用竹絲編成或方或圓其蓋或冒底至地或但

冒上頭寸許產南方產竹州郡可貯乾菜生菓

金華

耕讀記

筐筥方曰筐圓曰筥皆竹器也三禮圖大筐受五斛

小筐受五升筥受五升皆以盛米致饋於聘賓然

考之於詩米卷耳米菽皆盛以筐筥則自古亦為

貯菜之器矣

金華耕讀記

籃

籃竹器無繫為筐有繫為籃大如斗量又謂之筥

郎鼎切

簍

桑鼎切

農家用採桑柘取蔬果等物易挈提

者方言籠南楚江沔之間謂之筥或謂之筥郭璞

云亦呼籃蓋一器而異名也

王氏農書

今京都朝晝

之市磨肩錯趾而至者皆持隋圓一小籠

俗呼小

凡買魚肉蔬果無不收貯此器女則左挾之男則

用藁繩為繫而撈之漢北無竹以和條去皮結成

蓋古簍簍之遺制也

金華耕讀記

甌

本儲米之瓦器字或作儋漢揚雄無儋石之儲晉

劉毅家無儋石之儲是也其制與甕相似今人用

甕藏米或以貯魚腊果苾之類又有用杻條結成

內外塗紙其蓋亦杻結而紙塗可藏乾果

金華耕讀記

斗厨

四柱豎立四枕上橫四枕下橫柱枕皆有細槽

嵌木板為牆為底其蓋後半截釘固不動前半截

為開闔之門門邊正中綴以鐵曲搭前上枕設雙

鐵樞與曲搭之頭相銜以施扁鐺大小不一大或

受百斛小或止數三斛今京外中產之家無不置

大小數三具分藏日用米豆及魚腊脯脩一切食

物或柱長及樑下作斗厨上設一格饌櫥則又兼

二器之用也

金華耕讀記

饌櫥

文木為之長可一丈廣四五尺或三格或二格

每格前面當中設兩扇門外施扃鐃以貯一切食物案沈括補筆談云大夫七十而有閣天子之閣左達五右達五閣者板格以度膳羞者正是今之立饋今吳人謂立饋為厨者原起於此以其貯食物故謂之厨意周之閣宋之立饋皆與吾東之饌

櫥不相遠也

金華耕讀記

木櫝用厚木板造隋長方櫃凡日用飲饌器外儲備

代價之器及讌會所用畫瓷之類皆藏儲櫃內鑰
器尤宜櫃藏扃鐃以存慢藏誨盜之戒其櫃黃榆

木造者佳大小多少視所藏器四豐儉

金華耕讀記

穀匣穀匣盛穀方木層匣也用板四葉相嵌而成大

小不等高下隨宜下底足疊累數層上作頂蓋貯

穀於內置穴於下可以啓閉用之多在屋室亦可

露置以瓦覆之此之困京可以移頓較之篋籬可

以增減既無雀鼠之耗又無溼燥之虞實穀藏之

佳者

匣露置之匣與困京同其用則其制式大

一佳者層須容數十斛搬運層度豈不費力且露置

須瓦覆以庇風雨未知當如何鋪瓦若于頂蓋上

鋪椽椽上覆瓦則又將何以啓閉出納乎竊詳此

器形制要是室屋內器用可貯日用饌
爨之需者也故系之于此○王氏農書

日計厓余欲倣王氏農書穀匣之制而稍通變之本
作一立櫥內設抽厓三十每一厓受米二三斗每
於月終計一家人口一月飯粥之料分貯三十厓
內每日晨輒抽一厓以供一日之用月晦用盡復
取諸困廩如前分儲于厓日計有程無煩主婦升
斗出納之勞蘓子瞻在黃州痛自節儉日用不得
過百五十文每月朔取四千五百錢斷為三十塊
掛屋梁上平朝取一塊給一日之用餘則別貯以
給賓客余之三十米厓猶子瞻之三十錢塊也

金華

1. The first part of the document is a list of names and addresses of the members of the committee.

2. The second part of the document is a list of names and addresses of the members of the committee.

3. The third part of the document is a list of names and addresses of the members of the committee.

4. The fourth part of the document is a list of names and addresses of the members of the committee.

5. The fifth part of the document is a list of names and addresses of the members of the committee.

6. The sixth part of the document is a list of names and addresses of the members of the committee.

7. The seventh part of the document is a list of names and addresses of the members of the committee.

8. The eighth part of the document is a list of names and addresses of the members of the committee.

9. The ninth part of the document is a list of names and addresses of the members of the committee.

10. The tenth part of the document is a list of names and addresses of the members of the committee.



